


增補文獻備考

二十五



增補文獻備考卷之一百二十二

弘文館十纂輯 校正

兵考

十四

補

附軍資糧餉

新羅炤智王三年王巡比列城賜軍士征袍

高麗靖宗二年制曰諸衛軍人家貧而名田不足者頗衆見今邊境征
戍未息不可不恤其令戶部各分公田加給

十年以禮成江兵船一百八十艘漕轉軍資以實西北界州鎮倉廩

文宗十八年以綿袍袴毛冠各一千分賜西北面戍邊軍士貧乏者

二十七年西北路兵馬使奏長城外墾田一萬一千四百九十四頃請

待秋收穫以資軍儲制曰可

王又嘗命有司造冬衣賜東北面戍卒

宣宗元年設征袍都監掌軍士衣服冬月命都監以乾明庫布千餘匹製衣袴分賜戍邊士卒

八年西北面兵馬使柳洪請造兵車藏之龜州以備不虞從之

元宗十三年命百官馬料有差

十四年元命收別庫田租以充軍糧

十五年元遣汝龍子思贊絹三萬三千一百五十四匹來貿軍糧卽置官絹都監分給京外人民以市之每絹一匹直米十二斗

忠烈王四年令西海道轉米給供茶丘軍又令百官出菹豆餉忻都茶

丘軍

九年令諸王百官及工商奴隸出軍糧有差

遣使諸道備兵糧造軍器修戰艦

十五年元遣使來索軍糧王令群臣出米有差○以帝將親征徵諸道兵又令諸王時散百官出綿布有差以給北征軍

十六年令諸王宰樞承旨班主各出米七石坊里庶人出米有差以充東界防戍軍糧

恭愍王十年監察大夫金續命等上書曰古者選軍給之土田故兵皆足食不憚征役近豪勢兼并曾無一畝徵發之際率皆解體況望敵愾乎請復選軍給田之法

之

舊例兵曹點閱上番軍額或許贖布其數不貲而諸官分爲私用已成規例李珣爲兵曹判書議於同僚輸爲戍卒衣資

趙憲東還封事曰東方土俗責辦飲食之弊無處不有而軍卒爲甚新屬者有新來例幾備數牛上番者有知面鄉味等例不知其數不待列將之徵虐而爲其牌頭掌務之所侵費者倍於糧數爲色吏旅帥者例給人情布數匹赴邊之軍雖持十五疋而終猶不足賣衣貿糧若以所費備其軍裝馬匹則官雖不給而不患不足矣外邑軍弊尤甚於此此皆中原所無之事而邊帥罔聞知巡撫不以禁必須先革此弊然後軍憂少紓而可以致力於軍裝矣南道箭竹之所以船

運驛轉于兩界者必爲北軍之造箭而設而略補軍器之矢其餘雖多徒積于營中製爲笠子以應關節而在防軍士則了無一箭之所及雖難人人均給而巡行之時試其遠射能者賞以一束次者半之則庶乎激勵之有方矣營鎮奴婢或有甚多處可以供薪水應廝役亦可以分軍官之馬直以私放其役而徵衣服之資必以軍士充其薪水厨廐之役其苦難堪故倍價雇人以代之其不代立者則或結鬚笠或結魚網奚暇操弓矢哉必使軍士不代奴婢之役然後可以專力於射御矣

李暉光曰我國無金錢寶貝天下之貧國也夫軍賞不踰時將帥出戰空手而往戰馘之賞無以應之不過列名上請朝廷而所謂

論賞者只是加設職禁軍免賤限年免役復戶而已噫官爵有限實非可繼免賤滋多正軍日縮況一張告身未免虛套以致群情懈怠而激勸無方殊非細慮古人曰重賞之下必有死士今乃欲以空名爲重賞虛惠得死士不亦難乎

仁祖五年九月命以襦衣五百領落幅紙四百張下送西道軍卒歲以爲常

十七年命以綿布四千疋綿花一千五百斤分送於咸鏡南北道令節度使給其軍卒以備寒衣

二十三年出太僕木花一千五百斤去核送于北邊分給戍卒之尤甚呼寒者

孝宗元年使爲僧者納米三石上自公鄉下至庶孽之無役者皆出布一疋以爲養兵之資

肅宗四年金錫胄啓曰船頭浦之築堰留守尹以濟旣已定奪而臣於今行歸路歷金浦埋番浦則有可築堰作數百石田地者空棄不築誠爲可惜欲自御營廳募民築堰將來出穀之後京廳則不必取用盡數入積於江都本營信地倉庫則後必有效故敢達從之

英祖六年 英陵幸行時留都大臣李宜顯筵啓水原軍十二哨有上來之命云其間六日糧資未知自廟堂已有稟定而想必自摠戎廳題給乾糧鄉軍異於京軍五六日晝夜暴露凡事不可不各別軫恤糧資之外如鹽醬之屬亦自本廳推移計給似爲得宜以此分付本廳何如

上曰依爲之

十六年 教曰唐詩不云乎城上風威冷江中水氣寒之句若見戍軍之苦矣我國雖無他道戍之事諸道把軍無異於戍暖衣履氈猶覺其寒江邊西北寒凜奚似思之及此心若尤寒聞常時自備局有紙衣下送之事此等之寒尤宜軫念量宜加送事分付備局

四十二年 傳曰曾以唐詩城上風威冷江中水氣寒戎衣何日定歌舞入長安之詩令備局北關給襦衣今已多年近日風寒屢氈猶冷况北關乎令備局依前下教下送此例只有北關乎西關亦令一體舉行事分付

正祖四年備局啓卽接慶尙左水使申應周狀啓以爲本營待變軍官

射夫等名色其數爲五百餘名此非團束之卒亦非禁府統率之軍也此屬作爲城丁軍其中擇其才藝者爲千把哨官旗牌等官使之摠領而時帶納布者之子姪無役人及他官來接者隨屬於守堞城丁之役則不出十年可以准司哨旗隊之伍而將領料布及軍卒賞格以營邑餉耗中二百石逐年劃給以爲支放之資爲請矣請依此許施從之

十三年九月特除諸道騎步兵價布差員著爲式

教曰三營砲軍餉保差員上來有名無實捧限之操縱濶狹在於各該將臣拖至經年閱歲不一而足差使員領納無義甚矣捧限之準式亦豈在於差員乎此後一體除之

二十年五月令武庫印煮硝方廣布中外

先是 肅廟時相臣南九萬建言驛官金指南北京往來時所傳得
煮硝方取路上土和薪草焚之仍用其灰浸水而煮之比前法功役
少而得硝倍硝品又燥猛可用而寢不用矣至是右議政尹蕃東啓
請行之

憲宗九年八月 命改兩湖海西三道軍保米之弊

先是本年三月右議政權敦仁啓兩湖海西民情之切骨者軍弊也
軍弊之最切骨者保米也每一人六斗米之役未始爲苦重而外邑
奸弊因緣滋興斗斛日濫情費年加六斗之納至爲十餘斗之多而
又剋代錢之例雖豐年并襍費不減六七兩而少或歉荒則輒爲十
有餘兩矣一民一歲之納其費如此况一室之內三四并簽者得不

蕩敗其產業而終歸於流散乎誠甚不忍也此不釐救則民難支保也臣意則兩湖海西錢木上納邑外就元結錢中以每結幾錢量宜作米以當三道保米實摠與稅米同爲收捧而自京司分劃於各營門結錢作米之代分排於各道保額以錢收捧自各營輸送該廳充其結錢之不足則在結民非但無所損益亦不違於元事目中或錢或米之制在各營自無公納愆滯之弊可謂公私兩便矣 上下其議於時原任大臣將臣戶惠堂備局諸堂皆以敦仁言爲是故申請以行之

十年六月因兵曹判書李憲球言置軍餉穀於義州白馬山城龍川之龍骨山城鐵山之雲暗山城宣川之釧山山城郭山之凌漢山城

十二年摠衛營移屬馬步軍料米太及奉足依前仍受料米太則每朔隨加減修成冊越送戶曹自別營上下三等奉足則每等木一疋錢四兩合木六十二同十四疋錢一萬二千四百五十六兩自訓局每年都數移來自本營磨鍊上下馬兵所持馬二百二十六匹步軍卜馬五十四匹標下軍卜馬四匹合二百八十四匹草價木一匹錢四兩合木五同錢一千一百三十六兩每年正月自訓局都數移來自本營磨鍊上下而無論奉足與草價軍兵今既移付木錢亦爲劃來本木錢情費條亦爲一體計數輸來

今 上三年五月命別庫并屬別營

時訓局軍放料時如或米色稍劣斗量有欠則每有葛藤之弊以其

頒放與領率各異其人故也戶曹判書金炳國啓言其弊請別庫并屬別營使之專管 上下詢於左議政金炳學訓練大將李景夏則皆以爲戶判之議果得釐弊之道矣允之

六年九月命摠廳收刷錢九千兩作穀海西依例取耗添補軍需摠戎使柳基常啓言本廳軍需每患不數年前以徵逋錢二萬餘兩作穀七千石於外道取耗補用矣今有各項收刷錢九千兩在庫者久必有耗竭之慮作穀三千石於海西以充萬石之數取耗添補而亦依年前例使兵營勾管恐好故敢達矣從之

十七年五月飭軍物修造先是外道營柵邑鎮所儲軍械藥丸殆有名無實製造舉皆庸鈍數目罔非冒錄况且典守失宜或任其朽傷而不

念繕補或知其偷失而無意查充至是領議政李最應啓請修造

二十年四月命前武衛營所管錢米木布等付之糧餉廳以爲親軍營接濟之需

十一月置筭餉局辦劃軍需

統理軍國事務衙門啓曰親軍諸營次第新設而凡千餉需有難支繼特置筭餉局使之量宜辦劃從之

命訓局所納中旬耗作錢及雉羽代錢劃付南兵營以充新設鍊軍二百五十人之餉需從西北經畧使魚允中狀啓也

二十一年正月命親軍營採取礦產以補需用

八月 教曰機器局旣爲創設軍器寺移付於本局凡屬戎械專管製

造

二十八年三月內務府啓經理廳軍需錢米布木及今先辦然後可以就緒湖南量餘米中今年則二萬石明年以一萬三千石爲定惠廳所在水中襦衣減貢條十三同三十八疋前武衛所區劃條三十同布二十同機器局移屬減貢條木六同四十一疋司僕寺給代錢條十七同三十三疋政府別置木中兵戶曹禁衛兩營各十同沁營所管湖南砲糧代錢木十五同東萊電局所付耗作錢九千兩親軍南營所報親軍營條錢三萬三千餘兩不恒錢中一萬兩請劃付該廳排放允之

三十年六月命忠清兵營兵丁餉需衣資歲給三十萬兩

三十一年十月議政府啓即見江華留守金允植狀啓則沁營砲糧錢

米木中前武衛所移劃錢十五萬三千八百兩東萊木十同二正統衛營前海防衙門移劃米九千八百五十五石經理廳移劃木十五同一正并還屬本營事令廟堂稟處爲辭矣該營以保郭重地設兵駐防常時餼料尙患不足兼以新設學徒與海軍支放浩繁其在固圉之道不可無補廩之資原係砲糧條之移劃各營者并依狀請還屬以爲接濟之地允之

三十二年正月命關西管餉使運餉使及各道監留親軍外使之稱并減下該道稅納會錄結戶排斂營邑需用之數報度支磨勘定式從軍務衙門奏請也

光武八年五月設軍器廠各兵料之所需軍器彈藥製造修理

御邊禁

新羅始祖三十年樂浪人來侵見邊人夜戶不扃露積被野相謂曰民不相盜可謂有道之國吾儕潛師襲之無異於盜得不愧乎乃引退

婆娑王八年築加召馬頭二城以備不虞

詳見輿地考

三十三年音汁代國與悉直谷國爭疆詣新羅請決王謂金官國首露

王年老多智識召問之首露立決以所爭之地屬音汁代國

詳見輿地考

訥祗王三十四年高勾麗邊將獵於悉直原新羅何瑟羅城主三直出兵掩殺之高勾麗王怒使告曰孤與大王修好已久今殺我邊將是何義耶乃興師侵西邊新羅王卑辭謝之乃歸

興德王四年新羅於沿邊要害皆置鎮唐恩郡居海邊要路故罷郡置

唐城鎮

文聖王六年以西北海要路置穴口鎮

今江華

百濟仇首王四年設二柵於沙道城側移赤峴城卒戍之

詳見輿地考

辰斯王三年發國內人年十五以上設關防自青木嶺北距八坤城西

至于海

詳見輿地考

武寧王七年立二柵以備靺鞨

詳見輿地考

高麗太祖十四年置安北府及剛德鎮謂有司曰北蕃人面獸心飢來

飽去見利忘恥今雖服事向背無常宜於所過州鎮築館城外待之

成宗三年命刑官御事李謙宜城鴨綠江岸以爲關城女眞以兵遏之

虜謙宜而去軍潰不克成

十年逐鴨綠江外女真於白頭山外居之

德宗即位平章事王可道奏契丹與我通好交贊然有并吞之志今其

主殂逝駙馬匹梯叛據東京宜乘此勢請毀鴨綠城橋

契丹作橋見輿地考

歸所

留我行人若不見聽可與之絕因賀使金行恭之行附表以請契丹不從

元年契丹遣使來至來遠城不納遂城朔州寧仁鎮派川等縣以備之
靖宗十年東女真將軍烏乙達等一百四十四人來獻馬奏曰我等在
貴國之境慕化臣服有年每慮醜虜來侵未獲奠居今築三城以防賊
路故來朝以謝王優賞遣還

文宗元年以霜陰鶴浦二縣

并安邊

沿海當邊賊之衝設置軍戍

增補文獻備考 卷一百一十一
四年東女真寧塞將軍鹽漢等九十人來獻馬豹鼠皮賜物有差鹽漢等十五人以曾犯邊留之

三十年有司奏北朝於定戎鎮關外設置庵子請遣使告請毀撤從之
三十三年東女真耶邑幹來欵云父阿羅弗母吳曬兄齊主那等六人曾於丁巳年向化來投願隨居之王曰夷狄雖同禽獸尚有孝心宜令隨父母親屬徙置嶺南

三十五年知西北面兵馬使王佇奏西蕃酋長阿夫渙等九人專心保塞宜加爵賞命以阿夫渙等三人爲柔遠將軍山豆等六人爲懷化將軍各賜物有差○西女真酋長遮亶等六人來獻鐵甲兵仗賜衣帶綵帛有差制曰凡東西酋長欲來見者兵馬使申報取旨後方許赴闕以

爲永制

宣宗五年遼議置鴨江權場遣使爭辨

詳見輿地考

十年平章事邵台輔奏北路邊城將士多自山南州郡選補丁田在遠資產貧乏若有邊事并爲先鋒請自今令入遼使臣揀取其壯健者以爲傭從因事覘察疆域事體且有互市之利人必競勸許之○西海道按察使奏安西都護府轄下延平島巡檢軍捕海船一艘所載宋人十二倭人十九有弓劍甲盔并水銀眞珠硫黃法螺等物必是兩國海賊共欲侵我邊鄙者也其兵仗等物請收納官所捕海賊并配嶺外賞其巡捕軍士從之

睿宗三年尹瓘拓地立碑公嶮鎮以先春嶺定界

詳見輿地考

尹瓘命諸軍撤內城材瓦以築九城兵馬使金漢忠執不可曰如外城未畢而卒有緩急內無完城民將何保元帥雖有命吾不敢從後竟如其言

四年議還九城○十一年遼來遠抱州來附○十二年遣平章事金緣

措置北邊疆事

并詳見輿地考

十四年增築長城三尺金邊吏發兵止之不從報曰修補舊城金主勅邊吏曰毋得侵軼生事但慎固營壘廣布耳目而已

高宗三十四年蒙古四百餘人入塞諸城托言捕獺至于遂安凡山川隱僻之處無不覘知國家以爲和好殊不爲意其後來侵百姓避匿者并被驅掠

忠烈王元年募人授爵戍耽羅

三年令親從將軍金子廷押送防守軍於耽羅

五年元置伊里干令鴨綠江內令本國自置兩所

二十三年元遣使遼陽路推刷己未以後被虜及流民歸之凡二百五十戶

忠肅王後六年元勅高麗人不得虛藏軍器執把弓箭官員留存馬匹外盡行拘刷於是百官皆不視事征東省據世祖不改風土之詔奏請始許禁弛

恭愍王八年遼瀋流民二千三百餘戶來投分處西北郡縣官給資糧先是本國人亦有渡鴨綠江居者以兵亂皆自還

十一年以壽春君李壽山爲東北面都巡問使定女眞疆域

十五年判典農寺事僕長壽上書言兵事曰倭寇防守最爲緊急其防守之處遠者相去五六十里近者二三十里賊可由此入寇而濱海村落之民或疎或密四散而居彼賊多則千百成群小則什五爲隊妖謀詭計言所難窮清明之晝則尙可覘其來蹤驗其多少以爲警備昏晦之夜則候望難遠故往往出我不意肆其陸梁多則虛張聲勢指西向東俟我兵勢互分潛爲襲搗或棄防守而直趨居民或捨居民而先襲防守小則預遣間牒俟其富實之家潛爲剽劫比官兵得知而追逐賊已飽載而遙遁於是加發男丁則民已殘而盜已去及其放遣則民才去而盜復來故民無得息之時兵無可用之勢

又曰沿海百里之間方三十里或五十里膏腴可耕之地擇形勢平
夷有薪水處計戶衆寡築城堡以二三家爲率設官守以居之俾接
屋連牆僅容其衆除屋舍外止留穀場其園囿俱於城外給之凡城
塹高深上置樓櫓門置鉤橋其餘守具隨宜布置城塹之間多掘品
字小坑樹鹿角以遏往來嚴更鼓謹烽烟及耕耘之時則遠者不過
二十餘里晨出暮入往來無難禾熟則隨刈隨輸毋使稽緩設有賊
至則少壯登城老弱供給分方面而堅拒守之志通烽燧以招隣救
之兵隣城有急擇精騎以赴之其知而不相赴救者罪及所統之官
夫賊之往來特潮水相期非欲攻城畧地以謀久長特以寇抄爲心
而已旣無所得勢必還退於是乘釁以襲之多方以誤之使其勇無

所施衆無所用掠則靡獲功則不能進有腹背受敵之憂退有首尾衝決之患以我之逸待彼之勞則不戰而屈人兵盜可制而民可息矣

辛禡十四年鐵嶺進北立衛遣使詳辨已而還寢

詳見輿地考

恭讓王三年以安魯生爲西北面察訪監互市

詳見市糴考

均

四年兀良哈幹都里來朝饗王兼饗諸軍事

時我太祖爲諸軍事○詳見輿地考

本朝太祖五年降倭仄六等來獻土物上引見賜衣冠六曰殿

下撫綏降者不念舊惡願請土而爲氓上曰降者非獨汝也受降者

非獨我也天下皆是汝去則不必追來則不必拒去就惟汝心耳六感

泣而退

六年使李之蘭招安女真被髮之俗盡襲冠帶與國人相婚嫁服役納賦同於編戶自孔州迤北至于甲山延袤千里皆入版籍或親來朝或遣子弟或請受爵命近江而居者與國人爭訟則官辨其曲直又於邊將畋獵之時皆願屬三軍獲獸則納官犯律則受罪與國人無異

太宗六年因都巡問使朴信言置貿易所於鏡城慶源

詳見市
耀考

遣按撫使金麟雨刷出鬱陵島流民

世宗朝遣萬戶南顯往搜鬱陵島逋民

詳見輿
地考

十九年設置六鎮

詳見輿
地考

金宗瑞設六鎮爲政嚴厲吏士苦之膳夫累置蠱不能殺一日夜宴矢中酒樽色不動曰奸人試我耳彼何能爲及旣成而與將士成之

凡一宴裨將百人皆設牛脚大馘或規其不節答曰北塞爲國興王之地祖宗所欲恢而未果今幸拓疆將士十年遠戍不若是無以慰之況作事之始不可以涼今雖用牛脚後數十年則鷄脚亦不贍將士謳歌思歸則誰與守圉乎

柳成龍題六鎮疏曰國朝名卿功業之盛莫過於建置六鎮今觀此疏布置宏遠議論恢張使世之庸夫孺子小智淺慮取辦口頭沮敗人家國事者氣索而不敢容其喙亦可謂一代之奇才而實世廟之善任有以致之也

成倪曰麗季倭寇充斥以其沿海四面無置鎮防守處也自太祖開國以後於海港要害處皆置萬戶營水軍處置使領之由是

倭寇稍息其後倭亦作梗 世宗命三軍征對馬島雖不得大捷而倭亦畏威不敢肆有倭數戶欲居三浦 世宗嘉其慕義而許之許稠泣諫曰倭人乍臣乍叛其心難測豈可使鱗介之胡間我衣裳之人後日生齒漸繁當爲國之患害臨卒亦再三陳啓請及未盛而刷還之當其時人皆以稠言爲尋常而不甚駭至今三浦有蔓延難圖之弊然後服其先見之明

睿宗朝徐居正爲慶尙忠清道軍巡察使時兵曹請刊銃筒鑄成放砲令巡察使頒給沿海各官肄習居正曰火藥出於倭地我境與彼密邇况三浦之倭雜處恐或奸細之民潛通流入彼土非國家深計也 上然之

中宗十八年野人等來居于閭延茂昌漸成部落命兩界節度使領兵驅逐

二十三年滿浦僉使沈思遜偶涉虜境爲野人所殺

二十五年遼東人潛往于薪島令朴光榮呈文都司乞行搜括卽差湯站指揮王瑀領軍以來與本國義州牧使金瑚龍川郡守許礪等一時進兵獲上國逃民男婦共六十及頭畜財產

二十六年遼東人民來住耕種於威化等島都司因赴京使臣吳世翰呈文令本人等移於他處仍咨本國知會○二十八年遼東人董禮等五百餘名復來威化等島耕種移啓都司禁斷○二十九年遼東人復來威化等島耕種本國移啓乞禁卽差官到境立禁標石三面○三十

年遼東人復來耕種本國移咨乞禁都司三大人魯鐸親來踏勘折毀其家斫伐其畝盡括還于原籍

明宗二年始定對馬島約條

詳見交聘考

八年遼東廣鹿島人金斌等以薪島空閑可耕告準都司前來住種都司亦令江沿臺堡移文義州勿令阻禁本國將先年湯站指揮公同本國人員搜括居民等情備咨于都司都司卽拿治金斌等瞞告之罪不許在島

九年草串胡人生聚漸多時潛抄邊民令北道節度使李思曾將兵討之焚其巢穴

十年義州與上國連界爲西門重鎮前此屢經匪人關防解弛兩地奸

民交通物貨互相質貸時引漢人乘夜劫掠村落以償其直歲殺人畜
邊民甚恐不敢出耕作及柳仲郢爲牧使一新紀律嚴街禁以察奸細
又沿江設伏上下相望置巡軍往來接應自是境上大安耕畜盈野而
卒無來犯者

遼東都司嘗遣百戶二人求糧于我國要直抵京師仲郢以無前例
嚴辭却之百戶當宴不肯飲酒仲郢令譯官問曰君輩在何地曰東
寧衛曰知東寧衛曾是我國人否曰知之然則故國一盃酒胡不見
飲二人相顧笑飲拜謝而去

十七年江沿臺堡以都司意移文義州大要許民耕種石場谷但不許
設陷坪等處也本國移咨都司請於石場谷下端小河岸立碑使之區

別都司卽令立碑

宣祖元年西海坪嶺我地而絕遠不能守恐胡人來居滋蔓有時領兵驅逐而土地肥饒宜菜穀故胡人冒死來居驅而復還終不能絕自江界入驅之路甚狹僅容一足上有絕壁下有深川名曰虛空橋乙丑年平安節度使金俊龍遣虞候奉昕乘機逐捕敗績於虛空橋至是金秀文爲節度使潛師夜襲焚其聚落而實則老弱盡死而壯胡多乘暗遁去秀文愧恨疽發背而卒

二年古未坪舊棄于虜至是南兵使邊協啓以土地不可與人遂諭出之盡撤其居

六年廣寧總兵李成樑建議於本國方山鎮越邊移設鎮堡本處人民

等前來甘倉洞地面樹立碑檄說稱移鎮之後俺等隨當住種等情本國移咨都司并呈巡撫總兵衙門就蒙預諭禁耕

七年中國設堡于長甸子距義州二十餘里居民將抵鴨綠江大司諫李珥以爲華人與我民相雜則必多後患乃啓曰中朝設鎮蔓延開墾則與我國人烟相接鷄犬相聞物貨相通姦細之虞紛爭之弊必惹起事端嫁禍日後之憂庸有紀極請遣使懇奏于天朝以止之廷議皆以爲中朝設鎮非我所能止況於我國甚便何可止之議遂寢厥後侵耕漸近遂爲平安道之憂

十一年遼東人民在薪島躲住捕魚往來擾害本國移咨遼東轉報布政衙門差送委官括還逃移嚴治首惡更不許在彼住擾

十六年遼東民劉尙德復來造山坪耕墾差退事吳淳移咨都司申明
禁治鑽刻禁革字樣立碑於馬耳山下第一通溝○十七年遼東民復
來造山坪耕種差通事韓潤輔將先前禁革事理移咨都司禁治其人
○十八年遼東軍民告狀于都御史移造山坪禁碑於夾江西岸

二十年馬耳山軍民等來威化島造舍耕種差通事李汝謹等往遼東
爭辨蒙都司轉報巡按衙門出牌禁約驅人口折毀房屋如有奸徒在
彼住種者將爲首之人徑自解挈云

二十一年丙戌年設屯田于慶興鹿屯島丁亥秋時錢蕃胡嘯聚賊胡
殺害人畜是年春兵使李鎰領兵五千蕩覆巢穴

三十九年中國人投到朔州地方或五十名或三四十名進山竄募搶

奪民財移咨遼東等衙門轉報撫按申明科禁

四十年鐵山郡守柳旻彌串僉使廉孝業等領兵下海遇賊船三隻互相搏戰殺傷相當點看載船物件則有中朝人衣服文書似係中國之人而未及辨別致此相殺備由具本順付賀至使姜綖奏聞于京師光海二年華人王近泉等三名潛到博川地方換買人蔘被賊打死中江監稅官票行義州府跟捕正賊追解

三年明朝及本朝無籍之民入處薪島及海浪島結黨出沒劫掠爲事移咨鎮撫衙門請刷還撫鎮令鎮江差官眼同本國差官嚴查

七年倭差船將探礮竹島不許

詳見輿地考

十年先是以購捕亡命罪人設窩棚于鴨綠江邊操演軍兵禁其出入

之人鎮江游擊疑有非常請築府城以備不虞遼東都司詰問我國使臣命掣究義州府尹李克信咨回各衙門辦理

仁祖八年副元帥鄭忠信以關西新剏於兵清川以北爲荒棄之地議欲捐清北爲退守計平安監司閔聖徽疏陳 祖宗疆土不忍割棄請修義州城爲西邊巨鎮又請流民之入內地者別築白馬釧山慈母山城爲室屋具田器以給屯集之民

十年金人潛師夜入結陣於釧山城下時監司閔聖徽適在城中單騎入見其將曰國有疆域爾何爲來金將曰欲借船而屠蝦島聖徽曰我國於爾國兄弟也於天朝父子也其輕重何如金將知不可強退去舌人鄭命壽每與金使偕來傳語之際辭有回適聖徽叱之曰兩國和好

務在誠信而前後難便之事由汝而生斬此頭可無患命壽大怒拔劍欲自刎後謂我人曰爾國剛猛唯此一人

二十四年因清國戶部咨照舊開中江市仍以爲例

肅宗三十八年清國烏喇總管穆克登來白頭山定界我國差接伴使朴權咸鏡監司李善溥同審兩江源派以定界而克登但與本國譯官金應瀍金慶門上山定界而去旋因前北評事洪致中論豆滿江定界事之䟽大臣備堂面稟將別遣朝臣而更審備局堂上金鎮圭上䟽爭之曰水派之審定旣與彼差同之則今乃於彼差所已定之外欲窮尋其源流此不但有違當初共莅之事體其勢必深踐他地與彼人相遇朝家爲此之慮欲成給公文資其考驗而今我之更審水派非彼所知

與所許則雖有公文其不足以救其犯越恐無異昨年越來清人之標文矣日者評事所遣設令被彼詰問猶可諉以邊吏爲設標來非朝家所送而今朝臣之奉使體貌自別所行又不當止於三十里耶

四十年 傳曰以禁銃事曾已下教今覽御史書啓一何刻也邊禁之嚴在於人而不在於銃而今則甚至於魚網吁嗟六鎮之民陸不能獵獸水不能獵魚何以食肉深藏其銃使朔方健兒不能常時習武技寧不寒心令備局亦依御史書啓申飭

景宗元年領議政金昌集筵啓荒唐船逐歲出來而未有如今年之放肆者也在前驅逐之時還出外洋矣連見黃海水使狀啓欲爲驅逐或拔釧刺人或結幕掛鼎無意退去又聞海西守令之言村人無論男女

或爲出入至有劫掠之舉以故浦邊居民不敢出頭至廢農業云事甚可慮今宜定送一譯官以不當越界之意善爲責諭又以彼中咨文有射砲從事之語勢將依咨文或射或砲之意兼示恐喝之色猶不動念則更將此意移咨禁斷何如從之

英祖六年備局堂上宋眞明進地圖一幅曰此穆克登來定白頭疆界時潛寫地圖以觀而會寧將校以房守乃得移募者也六鎮器械精利然無可守之山城故居民常曰吾輩當盡爲戎舉懷遷徙之意卽今固結人心築城爲急而雲頭山城址實爲天作宜修築城池 上可之

二十四年以訓戎越邊地造家事移咨請禮部卽令撤毀

二十八年復開固城縣板橋掘浦初李舜臣迫蹙平行長于板橋海曲

乘勢盡殲平行長窮蹙窘迫夜鑿山開洋潛船逃走舜臣以爲海防咽喉關係甚緊卽以土石填塞不復開洋至近日商賈輩以其船路之便捷資緣統營狀聞復開掘浦吳瑛爲統制使以爲前人復塞實有深意海防重地不可輕開復爲狀聞更塞所掘浦李殷春爲統制使又復狀請開洋至今仍之識者憂之

續大典 沿海民交通唐船者瞞報邊情者并用軍律○使臣渡江時書狀官地方官本道都事眼同搜檢一行卜物○在我境潛賣禁物者減死論漏洩本國事情者從輕重論他國人處書給路程記者以一律論憑藉彼人居間受賂者減死論○西北沿邊犯越採蔘佃獵者境上斬地界守令邊將定配○西北邊開市挾持蔘貨者境上斬馬匹潛商

者次律論○平安道江邊七邑用錢者以一律論咸鏡道富寧以北商賈入去者論罪○倭館蔘貨潛商者商賈漏通本國事情者并館前斬倭館闌入者以一律論船運采潛商者倭物浦口潛商者并杖配○兩界邊民逃移內地者刑推刷還邊民亡入彼地而匿不以報者守令罷黜面里任杖流○海浪島往來者以一律論

正祖朝領議政鄭存謙所啓我國漂民之出來者例自地方官嚴刑究問而近廢此法故濱海乘船之民中間遇風不思制船回泊之道任其所之漂到異域看作常事其中窮濫奸猾之類至有利彼資給故爲漂入云揆以常情豈有是事莫測者人心難保其必無而昨今兩年漂人領來差倭幾乎無月無之非但度支所費之難以支堪其

在邊情誠極踈虞雖以今番孫古男事言之前後漂入已至再次畢竟擬及彼人攫取塵貨以至於別書契之出來古男旣用一律同惡助勢之民分輕重刑配以爲懲一勵百之地而他道沿海之民未必盡知有所懲畏又以令申之意分付於三南及關東道臣自本營各別嚴關於道內沿邑風起之日使之初不放船俾絕漂流之患設有不幸而漂入彼地者必以古男爲戒毋犯一律之意詳細曉諭於沿浦愚蠢之民俾知法意截嚴勿致自陷重辟之意嚴飭何如 上曰依爲之

正祖十五年十一月 教冬至使回還時別遣暗行御史伶俐捕校凡係禁令物件如雜書及紋緞另行採搜否則灣尹卽其地方限已身充

軍使臣亦一例重勘

今 上十八年五月統理機務衙門啓卽見江原監司林翰洙狀啓則枚舉鬱陵島搜討官所報日本人潛來伐木將送元山釜山云彼船去來挽近無常指點此島不無其弊請令本衙門稟處矣封山重地彼人之潛斫暗輸不容不嚴防將此事實撰出書契下送萊館轉致日本外務省第是島之任他空曠甚屬踈虞其形址要害之何如防守緊密之何如合有周審副護軍李奎遠請差該島檢察使馳往商度從之

增補文獻備考卷之一百二十三

弘文館 纂輯 校正

兵考 十五

烽燧 一

高麗毅宗三年西北面兵馬使曹晉若奏定烽燧式平時夜火晝烟各一二急二三急三四急四每所防丁二百丁二十人各例給平田一結

我國烽燧
亦倣此

忠定王三年置松嶽烽燧所

本朝國典烽燧平時則一炬賊現形則二炬近境則三炬犯境則四炬接戰則五炬連日接戰則積柴用狼糞夜則舉火晝則燔柴京則南所

部將告兵曹入啓外則烽將告主鎮

李暉光曰周時舉僞烽漢時烽火通於甘泉宮蓋漢以上則寇至乃舉烽矣唐書以爲鎮戍烽候率相去三十里有一炬二炬三炬四炬者每夜舉一炬謂之平安餘則隨寇多少爲差云我國烽燧之法蓋用唐制耳

李玄錫曰京都五烽第一路則每不至固可寒心而至如各邑烽燧之報元不致察每朔末則文狀中不過列書日字而已某路之烽絕於某處漫無可考烽軍不能聊生逃躲相繼愚意世之善居山者莫如僧而寺刹遍一國百姓逃賦毫無所裨於國若於各邑烽山許建一小寺除其寺役專管烽燧設僧將一人給斗料使之

不得出外雲游而又以本官鄉所或軍官爲別將以勾管焉則烽軍苦役庶不及民而報警之道自專一矣

補宣祖三十三年體察使李恒福啓曰長淵吾父浦瓮津所江等處去本島最近宜於此一處設烽相準以備非常

補肅宗三年備局啓曰外安於青兩島在於外洋便於瞭望前日忠清監司趙威明啓請設鎮而新設鎮堡其勢未易亦有難便列邑烽軍逃亡相繼愁怨徹天新設烽臺設或有益於瞭望殘弊烽軍亦不可勒令立番使不得保存況此外安絕遠之島如有賊船之猝至者則反有被執鄉導之患而少無及時舉烽通報之勢海中烽燧每緣雲暗不能相應其爲無益而有弊莫甚於此外安於青鹿島等三島舉烽瞭望等事

卽爲革罷元山烽燧依前修舉除出他處烽軍立番事一體革罷自水營料理舉行宜當以此監水使處並以分付何如從之

補江華留守許秩筵啓本府烽燧在於邑後而前後相礙不得候望而只憑烽軍事極虛疎矣前山一峰其勢最高而四面無隔碍之處其上且有井泉後山烽燧移設於此峰似爲便當而事係變通故敢此仰稟矣從之

補十一年左議政南九萬筵啓大槩一烽燧必具五番而一番立番者七人若欲具五保則其數甚多而一邑或有烽燧八九處其勢誠難盡充至於邊堡士卒則殘弊零星尤無充數之方凡此等處令本道各隨其力之所及一番或具二三人一烽或具三四番而其或烽燧數少人

民數多之邑則亦令依法充數多少間不至於無人絕烽之弊使之成冊輸送于兵曹以爲日後從其成冊摘奸之地至於器械亦有不緊而繁雜者兵曹自可酌定其應備之數分付各烽使之盡爲備上後報兵曹以爲摘奸時點考之地稍似着實 上曰烽燧事極涉虛踈故曾爲申飭矣今若因而置之則誠不着實言于兵曹使之依此申明舉行可也

補十二年武臣閔暹筵啓曾在壬辰年臣叔父震益爲肅川府使時臣亦隨往矣其時郭山凌漢山烟臺近處寺刹失火烽卒誤認爲報變之火即舉火應之其他烽燧次次相應翌日自兵營急送軍牢至永柔烟臺挽止之云烽火一舉之後所當即到京城而經晝夜之後始到永柔

二百里之地者蓋緣烽卒恐被誤舉之罪送人探問後始舉之故致此稽緩之弊脫有邊報若使如是稽緩則豈不大可慮哉若不稍減誤舉之罪則此弊似難變通且誤舉之罪比之於有變不舉者固有輕重之別令該曹叅酌定法後烽卒探問後相應一欸一切禁斷令該曹稟處兵曹覆啓平時不舉火之律則至於杖一百臨亂差誤則軍法從事已有定式不可有所低昂一依法例申飭而如或誤舉而情有可恕者隨其罪之輕重稟處從之

補十六年御營大將李義徵筵啓烽燧一欸未免疎漏陽城槐台之烽相應於水原天柱之烽天柱之烽相應於南陽念佛之烽而天柱之距水原幾至五十里其間有重峰疊嶂障礙望眼設有舉烽報警之事無

路即知必待烽軍來告然後始知其有急本府防禦使既領重兵居在京城咫尺而邊報緊急不能即知本府南距五里之內有禿城山城而其峰最高若置烟臺於此則南應槐台西照天柱三南報警之事一刻便達與其坐待天柱烽軍之五十里來告然後始知者其緩急不啻相懸矣 上曰水原乃畿輔重地而烽燧報警之事若是疎漏禿城烟臺加設

圖二十七年 傳曰烽燧乃所以報警而北路絕烽已至數十年此可憂也右議政申琬曰北路烽臺多在海上重峰疊嶂雲霧蔽塞烽火之不得相準勢固然耳吏曹叅判李寅燁曰今此處侯全百祿北人也必慣知地形宜命商量便否上聞俾有以改其制從之

補北兵使李弘述筵啓北路烽火之達于京城者一朔之內不過七八巡蓋自六鎮至京道里修遠初境烽火午後始舉日暮始達于峨嵯山而以其沿海之故雲霧晝昏開霽之時常少火光不能達照或以炊烟相通而雲暗則亦無以候望烽火之不能逐日得達勢所然也吉州以北乃臣所管自本營當爲申飭而端川以南屬于南道自朝家分付于本道監司及南兵使俾無如前疎虞之患宜矣 上曰近來北路烽火多不相通各別申飭可也

補英祖四年摠戎使張鵬翼筵啓水原府使以獨鎮防禦使雖有六千兵馬境內旣無烽燧設置處邊警無以得知此甚疎濶本府南距十里許有禿山山城於此設置其間烽與竹山佐贊烽燧相應苟有邊報水

原亦可即知矣向臣留鎮時以議于府使臣宋眞明則眞明亦以爲可
仍勸臣還京後陳稟荆設爲宜云故如是仰達矣 上曰所達誠有意
見令廟堂稟處

補五年武臣李行儉所啓八道烽燧設置乃是臨亂報警之意而上年
三月變亂時凶賊處處蜂起已至恣行而無一烽燧報警之舉且臣當
其變亂待罪驪州以權差竹山營將之任領率驪利陽竹四邑軍兵竹
山境佐贊峴結陣之時賊徒彌滿竹山府而本府烽臺在於結陣不遠
之地而如常舉火元無報警故極其怪訝招致烽軍詰問其由則全然
不知果未報警云故教以講文內賊現形則二炬犯境則三炬近境則
四炬接戰則五炬雲暗則專人報警晝則焚烟等事傳通於前路矣他

烽臺終不響應此不過年久昇平故有烽燧邑守令只充烽軍而已不教講文之致非但寒心實無設置之本意自今以後使其邑守令教習講文之意入道監兵使處各別申飭未知何如 上曰兵曹有烽臺法曾以此申飭而所達是矣更加申飭此後烽燧軍如有不謹之弊則各別論罪當該守令亦一體科罪之意分付可也

○兵曹啓曰昨夕木覓烽燧不舉曲折詳覈問啓之意已爲先啓矣招問烽將及牌頭則以爲昨夕黃昏後猝然雲暗對烽各處不能通望着目等待自爾過時在前如此之時本烽亦不得舉火昨日之不舉火乃是常事故從前雲暗之時例以候望不得入啓而至於昨夕本烽雲霧不至蔽塞則本烽之於對烽雲暗之如何雖未可知渠等旣因對烽之

雲暗不得舉火則所當登時告知本曹而該以前規不爲通報事極痛駭不可諉以迷劣而置之自本曹從重決罪今後則這這報知本曹事申飭分付烽燧單子則不得循例書入之意敢啓傳曰烽燧何等重大而若是疎忽乎況此乃人定前事非人定後事至人定鍾而未舉則事當即報兵曹且昨夕雲暗其不甚焉則烽將所對似乎彌縫該所部將當該烽將并從重決棍牌頭及書員亦令攸司從重科罪

補十七年刑曹判書朴文秀筵啓曰北道當初人民絕少烽軍難得故各處定配之人以充烽軍是以民之視烽軍若狗彘不齒人類不通婚嫁故爲烽軍者如入死地若不逃避則必以賂免因此而各邑無路填充烽臺之疎虞盖由於此矣臣纔以烽武士變通以閑散中最實者盡

充今則雖可謂着實聞烽武士輩或慮更降烽軍不無稱冤之端云分付道臣各別嚴飭各邑把總哨官親騎衛之屬有闕則多擇烽武士中壯健者差出以開樂赴之路好矣 上曰所達是矣烽武士多稱冤云嚴飭南北兵使使之有效可也

補二十五年金尙魯

時兵曹判書

筵啓曰長白山之北即天坪也此山一帶

最爲可慮而臣聞自吾乙足堡從長谷以行則直抵于端川府矣論其形便不可以藩胡之不在天坪撤其間烽而自有吾乙足以下間烽撤罷之朝令端民大生恐懼莫不警擾大抵天坪之無蕃胡今至幾許年而尙置間烽未嘗議罷者古人深遠之慮亦可見矣臣與南兵使沈瑑議及此事則瑑之見正如臣見已以間烽還設之意論理狀聞云臣意

則令備局依狀請施行似宜矣 上曰重臣看審意有在焉民願又若此何咎銷刻令廟堂一例即爲稟處

補三十三年因黃海兵使崔鎮海狀啓甕津德月山新設烽燧一處

補三十九年掌令韓必壽所啓北路烽燧多有高山峻嶺雲霧障蔽入達京城之時甚鮮此實事勢之固然而亦有措置未盡善之弊磨天以北則臣未詳知蓋聞六鎮諸邑則巳午時舉烽烟相應能達於端川而磨雲以南則始烽火相照蓋烽臺之相距甚遠尤難相接自利城北谷口烽臺至本縣南浦項烽臺爲七十餘里若非至清之日則每有候望不得之弊臣聞利城邑後山有烽臺可立處足以相接南北故前後兵使累遣軍官看驗而以有弊於本邑故尙未設置云若令南兵使更爲

看審以爲設置則似好矣吏曹叅判徐命臣曰北路烽燧非但不達於京城臣待罪藩任時見之一月之內不達於咸興之日亦多故使解事編裨看審則兩烽燧相距絕遠山嵐海霧又從而遮蔽之其所絕火非至三四而已臣詳論形便欲爲狀聞而以徑遞未果矣護軍李彝章曰北路烽燧誠極疎虞臺臣之請是矣重臣所達絕烽果三處此則設或增置可以相接而大抵關北烽路皆是海邊絕頂故山嵐海瘴無時開霽晝之烟烽輒混於瘴嵐終不如火照雖相距不遠處難保其必傳此前後道帥臣所以憂慮而終沒好策此甚可憫矣領議政洪鳳漢曰烽燧所關甚重雖在昇平之時不可少忽臺臣及諸宰臣旣已歷陳令道帥臣商確狀聞後稟處何如從之

續正祖五年申飭烽燧軍侵雜役之弊從兵曹判書洪樂性啓也

續二十年朔置華城烽臺

續二十四年以厚州新設烽臺罷魚面自作芑波知舊芑波知四烽臺
領議政李秉模啓即見南兵使崔景岳狀啓則以爲今於厚州等諸
烽臺設置後魚面等四烽旣爲內地則烽臺革罷在所不已依所請
施行從之

續純祖十四年命撤永興聖歷烽時永興府使䟽言本府有三烽臺而
德峙熊望直路相望聖歷則介於兩間便是贅剩故有是舉

續十六年以長津府蘆灘烽燧無甚關係罷之代置站撥

左議政韓用龜啓即見咸鏡監司李義甲南兵使徐春輔狀啓則枚

舉長津府使牒呈以爲本府蘆灘烽燧自起自滅初無內外相準處
置之無益邑站撥所即不可無者尙未設置邊報因此稽滯今若罷
無關之烽燧設有用之站撥以烽將之料米移給撥將事甚兩便請
令廟堂稟處矣撤烽設撥實合變通之宜且有三水已例請依狀請
許施從之

續三十四年命烽燧修舉之意嚴飭各道依摠戎使申綱之啓請也

續三十五年五月設咸安巴山陝川美崇烽燧從慶尙監司趙秉鉉啓
請也

續哲宗五年移設華盖山烽臺

備局啓京畿水使李容純狀啓以爲本府華盖山烽臺在於聖廟主

脉諸生屢請移設請令廟堂稟旨分付矣其所未安果如諸生之言而其欲移設之處觀於圖上形止則與今臺前後照應少無遮隔迂回之患請依所請施行允之

續今 上五年四月設烽臺于永宗喬桐

政府啓永宗喬桐不過一小島也備禦之方有難專責且洋舶之去來閃忽矣設置烽臺與沁都相應以爲遇警赴援之地事分付鎮撫使何如從之

續十四年二月命利原縣兩燧合設一臺於船盆後山

三軍府啓即見咸鏡監司李會正狀啓則以爲利原縣監張啓煥牒報本縣有斗應峙及邑主峰兩烽合設一臺於船盆後山則應燎無

差邑弊可蠲而事係重大不敢擅便請令三軍府稟旨矣烽臺之革兩設一既捷應燎且減烽軍之弊依狀請施行恐好允之

續二十年命撤鍾城府烏渴巖烽臺只置三烽與釜回巖相準

續三十一年廢八路烽燧

增補文獻備考卷之一百二十三

增補文獻備考卷之一百二十四

弘文館 纂輯 校正

兵考

十六

烽燧

二

補續大典 烽燧烟臺所在烽軍等毋定他役專爲候望勤幹品官四人別定監考分二番相遡晝夜檢舉○絕火處烽卒極邊充軍賊到不報火者處斬○僞舉烽火者用一律

木覓山烽燧自東至西五炬第一準咸鏡江原京畿來楊州義嶮山烽第二準慶尙忠清京畿來廣州天臨山烽第三準平安黃海京畿陸路來母嶽東烽第四準平安黃海京畿水路來母嶽西烽第五準全羅忠

清京畿來陽川開花山烽

第一炬準峩嵯山

楊州下同○京畿監司所管

汗伊山

與覽作大伊山

苾邑峴

與覽作仍邑

山○抱川下同

禿峴

彌老谷

與覽作稱老谷○永平下同

適骨山

與覽作係鐵原

割眉峴

與覽作磨錄作

姑母峴○鐵原下同○以下江原監司所管

所伊山

土水

與覽作吐水○平康下同

松古介

箭川

淮陽下同

雙嶺

屏風山

城北

與覽作鼠谷北山

所山

峰道只

鐵嶺

安邊以下同○以

下咸鏡南兵使所管

沙古介

山城

與覽作鶴山

蛇洞

備局磨錄作已洞

長德山

德源下同

所達山

天達山

佛山○文川

熊望山

高城隍峙

城隍峙

邑誌作聖歷山○永興下同

德峙

王金

洞

定平下同

鼻白山

城串

備局磨錄作聲串○咸興下同

草古臺

倉嶺

藁三仇味

執三邑誌作

南山

六島

與覽作陸島○北青下同

佛堂

山城

石茸

眞鳥峰

備局磨錄作眞

邑主峰

邑誌作眞鳥峰

主峰○乙應峙二峰下有邑

城門

備局磨錄作城門

甌

山端川 下同 訖乃補 末訖羅 吾羅退 胡打里 歧里洞城津鎮 〇吉州

鏡北兵使所管 雙浦嶺城津鎮 場古介補 〇與覽 山城 鄉校峴 碌礪 古站峴

明川下同 項浦洞 北峰 壽萬德鏡城 中德 朱村 永康 長坪 羅

赤洞 姜德 松谷峴 漆田山富寧 仇正坂 南峰 黑毛老廢茂

古峴廢茂 梨峴古豐山堡 〇 奉德補 〇邑誌 作奉峴 中峰甫乙 松峯甫乙

南峰 雲頭峰補 係甫乙下鎮 古煙臺補 〇邑誌 作 鰲山 吾弄草 竹堡

補邑誌 作竹 北峰高嶺 下乙浦補 〇備局 謄錄作 浦項防垣堡 〇 新岐里

防垣堡 釜回還補 〇備局 謄錄作釜 烏碣巖補 〇與覽 作 三峰補 〇與覽 南峰

北峰 長城門潼關 北峰潼關 甫清浦補 〇與覽 作甫音浦 〇 潼關鎮 小童

建補 〇邑誌 作小童巾 〇 松峰永達 中峰永達 大灘補 〇與覽 及備局謄錄

增補文獻備考

卷一百一十四

錄以犬灘時建兩
炸並係柔遠鎮
時建
古城
壓江
坪烟臺

射場
坪烟臺
美錢
松峰
錢江

長城峴
中峰
馬乳
獐項
城上

厚訓
南山
東臨
水汀
件加退
白

顏
東峰
西峰
浦項峴
望

德
仇信浦
豆里山
南山
牛巖

羅堡十
五里
初起

間烽
阿吾地堡東峰
金石山

城
皮德
乾元堡水汀
進堡
會寧古烟臺

池德
南孝郎

間烽

以下諸茂山來

會寧雲頭峰

見上琥珀德

豐山堡

大巖

豐山堡

西峴

梁永堡

局膳錄係豐山堡

錚峴

補備局膳錄作爭峴係梁永堡○茂山下同

南嶺初起

間烽

以下諸各鎮來

鏡城姜德

見上遮山

補邑誌作磨峰○魚游澗鎮

初起○鏡城羅赤

洞

見上峰

初起○鏡城長坪

見上古峰

補邑誌作朱溫

佛巖

補邑誌作

朱溫下峰○朱溫堡

初起

○鏡城長坪

見上清德

補備局膳錄作青德

○下田坡

南老知堡○老知堡○不載

邑誌恐是甫

初起

○鏡城永康

見上松峰

補邑誌作寶化

初

起

○鏡城朱村

見上

牟德

補森坡鎮

東峰

補邑誌作森坡鎮

初起

○吉州鄉

校峴

見上崔世洞

補西北山

東山

補邑誌作西鎮

高峰

補西北鎮

西山

補邑誌作將軍坡○西北

鎮初起

間烽

以下諸乙足堡來

北青石茸

見上

者羅耳

沙乙耳

新設烽

補邑誌沙乙耳

下有以
下四峰
厚峙
虛火
馬底
梨洞
杉峰
端川下同補臣謹按杉

庚午已革罷
當入於廢烽
瑟古介
補備局膳錄作奎古介係雙青堡
藿嶺家舍
補以下五烽英祖庚午還復
古

所里
獐項
沙器
日彥
口字
雙青堡
檢義德
吾乙足浦
馬膳嶺
吾乙足浦

隱龍德
吾乙足浦
初起

間烽
以下諸烽
端川瑟古介
見上
天秀嶺
石茸
補備局膳錄作磨德邑誌磨德龍因並在

南峰下
○
牛頭嶺
補一作龍淵
南峰
伊叱間
阿叱間
同仁堡○補備局膳錄以下三

烽誤係
所里德
雲龐堡
何方金德
惠山鎮
水永洞
三水府
西峰
仁遮外堡
家南
羅暖

堡
西峰
羅暖堡
甕洞
茄乙坡知鎮
龍起峰
補備局膳錄係茄作舊烟臺
松峰

補備局膳錄作兎知
乙山德
補備局膳錄作起林
龍峰
補備局膳錄作十八峰○

魚面
初起
界餘屯臺地形相等若將通烽如統軍亭古靜州之例而

特以山勢重
疊不果通歟

第二炬準天臨山

補與覽作穿川 峴補局膳錄作穿 石城山補與覽作

龍
巾之山竹望夷城補邑誌作望耳山○忠州加葉山補一作迦葉馬

山忠州心項補備局膳錄吾峴補備局膳錄作所伊山補備局膳錄作

竹嶺山順興○以下慶望前山豐城內山榮沙郎堂順堂北山安龍帖

山奉菖八來山補備局膳錄作昌祿轉山禮開目山安東峰枝山補與

山烽枝甘谷山馬山義城鷄卵峴城山大也谷繩院繩木山

義興甫只峴吐乙山補與覽餘音洞補與覽作餘叱洞山備局仇吐

峴永川城隍堂永溪方山硃砂峰慶州蝶布峴補與覽

帖備局膳錄高位蘇山補與覽夫老山彥渭川補與覽作圓鷄鳴山

增補文獻備考 卷一百一十四

東萊荒嶺山補與覽作黃嶺山○釜山鎮龜峰補備局膳錄作石鷹峰

浦多大初起

間烽東萊干飛鳥來安東峰枝山見新石山補與覽及備局膳錄並作申石山藥山神法

山膳錄與覽作角山○真寶局廣山寧海下同大所山別畔山補備局膳錄作副畔山○

盈德桃李山清河烏峰補備局膳錄作鳥山知乙大冬背補與覽作冬乙

鉢山長等下同磊城福吉補與覽作卜吉禿山補備局膳錄作禿村○慶州下同下西知南

木補邑誌作南玉川內加里下山補備局膳錄作加里下山二烽○西生浦鎮

爾吉補與覽作示吉備阿爾補與覽作裴嶠山○機張下同南山

干飛鳥東萊○西合於荒嶺山見上初起

間烽巨濟加羅山來忠州馬山見上大林城補與覽作周井山延豐下同麻骨峙

炭項

開慶○以下慶 禪巖

南山

種與覽作城

所山

倚州 西山 回

龍山

種備局膳錄

所山

金城 隍山

種與覽作甘

籃山

善山 石古介

件臺山

種備局膳錄作件

朴執山

角山

星州

星山

伊夫老山

望山

種備局膳錄作

彌崇山

種邑誌作美

彌陀山

草

可幕山

宜 巴山

種邑誌作指

加乙浦

種備局膳錄作

加羅浦

種與昌原餘浦烽相應

曲山

種固城

天峙

種與

種邑誌作指

加乙浦

種備局膳錄作

加羅浦

種與昌原餘浦烽相應

曲山

種固城

天峙

種與

間烽

種以下諸峰

唐浦鎮閑背串

種巨濟

助羅浦鎮柯乙串

種巨濟

知世浦

鎮訥逸串

種只準本鎮

玉浦鎮玉山

種只準本鎮

栗浦鎮別望

種只準本鎮

佐耳山

種只準本鎮

蛇梁鎮主峰

種只準本鎮

間烽

種只準本鎮

晉州角山

種只準本鎮

佐耳山

種只準本鎮

蛇梁鎮主峰

種只準本鎮

牛

山

種只準本鎮

晉州角山

種只準本鎮

佐耳山

種只準本鎮

蛇梁鎮主峰

種只準本鎮

牛

間烽 以下二烽以外洋 加背梁鎮別望 城固 所非浦堡別望 城固

間烽 天城堡 星州角山 見上加 馬川山 大丘下同○以下 城山 末

乙應德 星州 所伊山 與覽作所 太白山 與覽作合 餘通 靈山 所山

備局膳錄 安谷山 國邑誌作安 城隍堂 昌原 高山 熊川 沙火郎 天

城堡初起

間烽 沙火郎 鎮海加乙浦 見上加 昌原餘浦 與覽作 沙火郎 見上

間烽 天城堡 永川城隍堂 見上應 匙山 河陽 城山 慶山 法伊山 備局膳

山○ 北山 與覽作八助 南山 密陽 盆項 推火山 南山

栢山 子菴 與覽作子巖 山城 與覽 省火也 與覽作 天城堡

初起

間烽南海錦山來忠州望夷城見上所屹山補與覽作所乙山備局巨

叱大山清州所伊山義文鷄足山懷德環山沃川月伊山下同朴達羅山永同所

伊山黃澗下同訥伊項高城山金山○以下慶龜山補邑誌作龜渠末

屹山補與覽作渠末屹山備局金貴山所峴山補備局○陝川

金城山嘉三笠巖山丹城廣濟山晉州望晉鞍峴山補與覽作鞍角山

晉州下同○與固臺防山補與覽作錦山南海初起北為臺防山烽西

合於順天突山

間烽以下諸烽只南海猿山錦山見上○彌助項鎮別烽臺錦山

見上○泗川三千堡別望在巨濟與永登鎮輪

第三炬準母嶽東烽醢浦古名蜂峴高陽下同○禿山古名所大山

大母山○坡州道羅山與覽及備局松嶽國師堂開城古城山

金川○以下黃南山平山奉子山禿鉢山回山瑞興所下山寶興

海兵使所管所乙麼山備局巾之山與覽作乾古每峙下同○備局曆錄係中和

天柱山雲峰山中和安監司所管畫寺山備局○平壤下同雜藥山與

覽作斧山獨子山順安米豆山永柔都延山與覽作都所里山邑誌

州○安吾道山與覽及備局舊青山新青山報水路竝溫山川冬

乙郎山嘉山七嶽山與覽作漆嶽馬山仇寧山所串與覽及備

所山○郭松足山通京西望日峰宜川圓山一名豆鶴峴熊骨

山邑誌作雲暗甌峰一名長化山○龍骨山一名龍虎葛山麟山

義州白馬山統軍亭合於本府古靜州石階乾川金洞與覽作水

浮箇補與寬及備局膳錄金洞補與寬作金同亭子山清城鎮老土灘清

鎮田往仇非仇寧鎮權狄巖仇寧鎮二峰山補與寬作甲巖邑誌作一

同雲頭里山雲頭堡船豆洞補與寬作廟於汀灘於汀堡徐加洞補與寬作徐介洞邑

誌作徐哥洞○昌洲鎮古林城大吉號小斤古介小吉號里堡胡照里碧團鎮秋羅

仇非補與寬作楸仇金昌山豆音只大坡兒堡松林小坡兒堡東烟臺補與寬及備局

膳錄並作廣坪○廣坪鎮堡東煙臺補與寬作阿耳○阿古烟臺山羊會鎮

北山蛤池山銅遷加乙軒洞堡新烟臺南坡補與寬作南坡山

錄並係舍長仇非吾老梁鎮○林里吾老梁鎮○奉天臺高山里鎮○馬

時里馬實里邑誌作許麟浦補邑誌作分土補右三烽備局膳朱土伐登宰

臣洞滿浦鎮車加大補邑誌作伊車加大○餘屯臺滿浦鎮初起

間烽 以下九烽 江界許實里 備局 膳錄 作虛實里 金了訖 與覽 作金度訖 安興道

檉坡 安明守家北 從浦鎮 膳錄 係檉坡鎮 備局 梨峴 上土 鎮 松峰 備局 膳錄 係上土鎮 金

成民家北 與覽 及備局 膳錄 並 作金成敏 外叱怪鎮 吾里波 補邑誌 作五里坡 餘屯臺 見上

間烽 以下二峰 一路來 安州青山 城隍堂 深原山 博川 德山 寧邊 栗古

介 籠吾里 泰川 姑城 與覽 作古城 龜城下同 所串 古城頭山 朔州 吾里洞

與覽 作梧里洞 件田洞 廷坪 二峰山 見上

第四炬準母嶽西烽 高峰 高陽 〇以下京畿 監司所管 兄弟峰 交河 德積山 與覽 及備局

膳錄 並 係豐德 松嶽城隍山 開城 府 彌羅山 白川 下同 〇以下黃海水使所管 鳳在山 角山 延安

同下 白石山 看月山 定山 注之串 補與覽 作走之串 聲串 平山 皮串 海州 龍

媒 延坪島 睡鴨島 南山 花山 沙串 補與覽 作沙浦串 食大山 康翎 下同

堅羅山 九月山 推峙 炭項鹽津下同 檢勿餘補與覽作今勿 大帖補邑

誌作南山 開龍山 大串補與覽作大梁 清石補與覽作青石山 彌羅山 松蘿

兀串 古里串豐川下同 所山 巾之山補與覽作乾只山○殷栗 甘積山安岳 今卜只補與

覽及備局膳錄邑誌並 牛山三和○以下三和防禦使所管 所山龍岡 漕士池補與覽及

并作曹士池 吾串 兎山飯山 鐵和平壤 馬項 佛谷補邑誌 大船串順安

所山補邑誌作臥龍山○永柔 餘乙外補備局膳錄作露外浦○肅川下同 息浦 冬乙郎山補邑誌

○安州下同 虎穴 沙邑冬音定州下同○以下宣川防禦使所管 舍音山 慈聖山 鎮海

串補備局膳錄作陳海串 都致串 防築浦郭山 青奄山補備局膳錄作青巖山 海岸宣川下同

東所串山 白梁山補邑誌作栢梁山 鷺家山 所串山 石乙串龍川下同

少爲浦補與覽作沙爲浦 辰串補彌串 龍眼山龍川 丐里巖補備局膳錄作丐音山巖○楊下鎮○義州下

增補文獻備考

卷一百一十四

同
岐伊城里山○麟山鎮古靜州合于本州統軍亭初起

間烽以下四烽龍川龍虎烽龍眼山○宣川大陸山東所串

山見○郭山金老串防築浦見○定州古堂山都致串見○嘉

山古堂峴沙邑冬音見○安州新青山舊青山報陸路虎穴見○

蕭川麻甲山邑誌作牙山作義山餘乙外見○永柔米豆山新烽

所山見○順安金剛山大船串見○平壤承令山秀華山

佛谷見○甌山西山兔山見○江西正林山咸從窟嶺山漕士

池見○龍岡大德山所山見

間烽以下四烽黃州琵琶串月呼山與覽作月乎所山梨峴

甘積山見

間烽

修井烽
卑喬桐

延安角山

見上

喬桐修井山

延安看月

見上

第五炬準開花山

陽川○以下京
畿水使所管

冷井山

金浦

南山

補與覽作松
岳山○通津

江華南

山

以下江華
留守所管

河陰山

喬桐圭山

補與覽作
華蓋山

綱山

補與覽作網山
○江華下同

鎮江

山

大母城山

守安山

通津○以下京
畿水使所管

白石山

金浦

柁串

富平

城山

一名支鶴

山

補與地考及邑誌
並作文鶴山○仁川

正往山

古名吾叱耳○安山
云自吾叱耳島移正往山

海雲山

南陽
下同

念佛山

興天山

水原

塊台串

補與覽及備局
作槐台吉串○陽城

望海山

稷山○以
下忠清兵

使所
管

燕巖山

牙山

大鶴山

補備局
大鷄山○天安

雙嶺山

公州
下同

高登山

補與覽作
高燈山

月城山

魯城山

魯城

皇華臺

恩津
下同

江景臺

廣頭院

龍安○以下全
羅右水使所管

所

防山

補與覽及備局
並作所方山○咸悅

佛智山

臨陂
下同

五聖山

花山

補邑誌作宜松
山○沃溝○又

合於舒川
雲銀山

界火里

補邑誌作界火
島○扶安下同

占方山

月古里

所應浦

茂長
下同

增補文獻備考 卷一百二十四

古里浦 弘農山 靈光 古道島 與覽作 次音山 海際 咸平 瓮山

高林山 多慶浦鎮 錄係羅州職官考多慶浦鎮係靈光 鎬達山 木浦 群山 羅州 黃原

城 南海 僉察山 與覽作 占察 女貴山 館頭山 南海 達麻山 一名葛頭山

摩山 備局 勝錄作達牙山 莞島 康津 佐谷山 垣浦 與覽作 天冠山

又有葛頭烽燧 ○ 靈巖 全日山 帳機山 與陽下同 天登山 與

長興下同 ○ 以下 全羅左水使所管 八田山 與覽及邑誌 白也串 順天 突山島 防踏鏡

燈山 馬北山 初起

間烽 以下九烽 順天城隍堂 光陽件對山 與覽作 順天進禮山

突山島 見 ○ 興陽藪德山 邑誌作 帳機山 見 ○ 康津修仁山

長興億佛山 全日山 見 ○ 寶城眞興山 正興山 全日山 見 ○ 珍

島屈羅浦 女貴山見上 ○珍島上堂串 女貴山見上

間烽沃溝花山路來 陽城塊苔串見上 倉宅串沔川○以下忠清水使所管 高山唐津 安國

山海美 泰安主山備局磨錄作瑞山主山 白華山 島飛山補與覽作都飛山○瑞山 高丘洪州

高山結城 興陽山洪州 助侵山保寧 玉眉峰藍浦 漆枝山庇仁 雲銀山舒川 沃溝花

山見上

間烽以下諸烽別設 江華鎮望山見上 末叱島 甫音島 長烽島水營南海中 初

起

梁誠之曰江界介在山外若大敵突入則圍城援絕甚可慮也府南狄踰嶺實南指捷徑而不置烽火但自江邊至于義州恐未周悉當增置烟臺由狄踰嶺經熙川與寧邊烽火相準

柳成龍曰中原地方自遼東迤西高築烟臺深鑿壕塹或五里十里相望不絕故虜騎近京無不先知得以把截邀擊我國則烟臺墩堡邊上城池之制皆未成形往時高山里僉使金應瑞燒輒高設烟臺二處至今堅固江邊之人恃以爲固今當視形勢緩急之處或改築或新設使形勢連絡達於義州則邊塞之形自固矣

金錫胄曰江邊烽燧起於滿浦沿江而下至義州復逆海而上以至京城而一枝由外叱怪上土登公仇非梨洞以至江界而止此使江界知江邊之有警而應援於滿浦者也今者新設神光牛峴諸鎮則旣處內地又無列烽相報之事雖有警急恐有未及收拾戰備之患此不可不及時措處者也

補李灝曰古者烽燧之制自邊方內達亦自京城外通所以徵起都兵周幽王舉烽事可見丘氏衍義有紅燈之制爲風雨有妨其法以煨羊角魚魴骨漆紅爲之可避風雨而緩急之別以多小爲節其言極是我國丙子之燹使山僧緣山岡出以報諸道其事豈不懸殊耶

增補文獻備考卷之一百二十四

增補文獻備考卷之一百二十五

弘文館 纂輯 校正

兵考 十七

馬政

新羅赫居世五十三年東沃沮使者獻良馬二百匹曰寡君聞南韓有

聖人出故遣臣來獻

補通鑑作二十四○東沃沮爲今咸興府等地而牧場在焉

補文武王九年頒馬法凡一百七十四所金庾信以下各有差凡因山

谷遮禽獸以養者名爲陸

補高勾麗大武王三年王田于骨勾川得神馬名駉驪後王伐扶餘見

圍失神馬所在三月神馬引扶餘馬百餘匹而至

三國志云扶餘地產果下馬高三尺乘之可於果樹下行之故曰果下馬

高勾麗馬小便登山

北史曰高勾麗出三尺馬本朱蒙所乘馬種即果下也

明統志曰百濟國出果下馬其高三尺果下可乘董越朝鮮賦註云詢之久而無產矣但其國中道路所見馱物之馬雖不止三尺比中國之馬差小意者其種類也

高麗太祖時甄萱獻絕影島驄馬後聞識云絕影島名馬至百濟亡乃

悔之使人請還麗王笑而許之

絕影島今屬東萊府而爲牧場

文宗二十五年判島陞馬畜不能監養致死者勾當島吏科罪又州鎮

官馬齒老及亡失者以公須屯田所收買立

毅宗十三年典牧司奏定諸牧監場畜馬料式

補高宗四十五年以濟州貢馬及崔頊所畜馬分賜文武三品以上

補元宗十四年斂百官馬有差以給軍民又取民戶馬以換戰馬之羸弱者

補忠烈王十三年令百官品出戰馬助征乃顏

十四年置馬畜滋長別監先是放馬諸島使之蕃息壯者充尙乘其餘頒賜文武臣僚其後耽羅別屬於元凡親朝助征之事令外官獻馬又品斂百官內外苦之廷議以爲若置官選牝可備將來故有是命

補二十二年中贊洪子藩上書曰牛以耕田馬以乘載民生之所急也

近有商賈多將牛馬出疆及令州郡出馬以資國贖不可不禁

恭愍王三年令百官出馬給軍士而官以鈔買之亦令僧徒隨所住寺高下出馬自此括馬之令殆無歲無之

補八年令承宣以上各出馬一匹又括禪教各寺僧馬以充軍用

補二十三年命宗親宰樞代言以上各出馬一匹以充進獻

補納哈出遣其子文哈刺不花來獻駝馬

補辛禡元年徵諸寺住持僧戰馬各一哈

補七年禡微行觀燈爲內廐馬騣傷其面憲府以內乘別監邊伐介等不能調習廐馬又以非時進馬請罪之乃杖流伐介等五人時內乘畏憲府不敢非時進馬故禡頻奪人馬乘以出遊於是詣闕者皆匿其馬

補辛昌卽位初大司憲趙浚上書曰司僕掌乘輿親近左右其選最重近代別立內乘內豎之徒專擅縱暴其收菑藁也劫奪萬端一州之內穀草之價布幾至九百匹又駟其貢戶名爲駟從至千百人不付公籍私置農莊而役使之若奴隸然害民病國願自今以尙乘屬之司僕寺不許內豎除授謹擇廉幹者任之更日入直凡其菑豆身親量給畿內菑藁計馬定數分月而供且使糾正監檢每一番置獸醫五人驅從三十人餘皆罷之

補李穡曰吾東方馬有二種曰胡馬從北方來者也曰鄉馬國中之所出也國馬如驢無足以得良焉

補麗季倭人入寇軍卒飢寒斗米換馬

本朝 太祖開國時所御駿馬八

一曰橫雲鶚產女眞走納氏平紅賊時所御二曰游麟青產咸興取兀刺戰海州捷雲峰時所御三曰追風烏產女眞四曰發電赭產安邊獵長湍時所御五曰龍騰紫產端川海州平倭時所御六曰凝霜白產濟州鴨綠回軍時所御七曰獅子黃產江華煤島智異山平倭時所御八曰玄豹產咸興兎兒洞平倭時所御

世宗朝命護軍安堅圖其形集賢殿學士成三問等製其贊以傳後肅宗御製圖贊並序曰歲乙酉予偶得古畫一軸乃吳興趙子昂八駿圖也固歆艷而歎美矣忽自思曰彼哉彼哉不過爲其水墨之工古迹之異而已曷足貴哉惟我 太祖大王所御駿馬八舊有護軍

安堅之圖而兵燹之餘泯而不傳士夫之家抑有所藏耶盍思重圖
其形以備觀省乎爰命畫工摸作短軸各於馬像之左盡錄龍飛御
天歌所載註釋及贊仍以予慨念圖畫之意并諸卷首云贊曰麗季
政虐寇多民散 聖朝受命濟民撥亂輸忠奮義豈但在人畜物之
微應時亦臻臨陣馳獵若飛若神莫不効力廓清妖氛惟此凝霜功
孰大哉一策回旗鴻業光開

八駿圖誌曰自古受命之主方其創業之初必有英雄豪傑感會
風雲攀鱗附翼以輸其忠至於畜物之微亦能乘時奮力以效其
勞高麗之季主昏政虐惟我 太祖勇智天錫征討四方躬屬櫜
鞬親冒矢石創癥之在聖體者非一當時所御名馬亦多而空群

迥出者八豈非天產龍種與人一心托死生而成大業者乎尙論其功奔走宣力之勞固不當獨歸於人今我 殿下慨念不已圖畫其形以備觀覽其不忘創垂之艱難以戒持守之不易者嗚呼

至哉

見龍飛御天歌

太宗十年進貢馬于明朝明帝遣太監田嘉禾海壽勅賜銀綵

詳見交聘考

徐居正曰我國進貢馬 太宗親御揀閱有一馬班在下列命置

於首圍人皆怪之既進明成祖見之勅曰朝鮮國王愛我首進之

馬甚良然後知聖神所見略同 太宗教近臣曰擇駿馬辨人才

予當不讓於古人

時明朝連年征北虜本國進良馬三千匹以助征帝用嘉之遣太

僕少卿祝孟獻兵部主事端木智頌詔褒美錫賚甚優又令市馬以進監生十人隨詔使以來每滿千匹監生一人押去

世宗三年明帝將北征勅進土馬卽選貢馬萬匹以助軍用明帝勅書褒美

李暉光曰 世宗朝進貢馬一萬匹者再五千匹者再今則歲貢五十匹亦僅充數可見國初物力之完盛非今日之所能及也

世祖九年

補作世宗八年

書下龍潛時所御名馬十二命倣唐家故事圖而傳

之

一曰靖世驃二曰流霞驪三曰梨花驪四曰玉英虬五曰凌空鵠六曰逐風駒七曰薈雲驪八曰騰霧豹九曰軼驚鴻十曰翼飛龍十一

曰戴房麟十二日照夜驥

崔恒序曰臣竊觀歷代帝王之創基業也莫不有權奇駿逸之驥
爲之羽翼以効其能其生也有所賦其遇也有所爲殆自天授非
人也噫非常之材固爲稀有不世之應尤難得夥而房駟不靳其
異渥注不嗇其靈天之所以護聖武者有素而順應之竟資馬上
以成之此豈非所謂大命之有屬奇材之有待而然者乎

成宗二十五年經筵官俞好仁曰今命市馬於野人我國牧場多良馬
雖彼來獻猶當却之况市之乎 上曰漢文却千里馬予獨市諸爾言
甚是

中宗元年悉罷御厰新號燕山時改稱養馬處曰雲厰

在真陵

曰麒麟

在本

司僕

曰麟厩

在景福宮

曰龍厩

在金虎門外

至是悉命除之

補二十三年 教曰國家如有用兵之事則牧場生馬難以赴陣預爲

點出分養於各邑使之調習

明宗二十年

補作二年

太僕官因輪對請買馬於他境弘文館舉

先朝申

禁之事且書周書旅獒罔命二篇以進戒 上欣然嘉納

補宣祖朝李恒福啓曰北鄙之人專以弓馬爲事故土俗相傳以馬

爲貴其有才器者本道一一推捉以爲三名日封進之用既已封進

只給馬帖遠道之人持帖受馬者百無一二而其實終歸於無用極

爲未安凡咸鏡道進上馬價卽令本道計給本道場馬使不失本事

並令該曹叅酌定奪施行宜當

補仁祖五年備邊司啓曰濟州人金萬鎰畜馬多至萬匹漢挈一山殆將半焉居國之地食土之毛無非國家賜也雖十用其九未爲不可況萬取千乎請令本州姑先以壯馬千匹上送以補軍用上命限四五百匹取用

補張維馬經諺解序曰國家廐牧之政皆轄於問寺完豐府院君李公曙爲提調念馬病之難治而馬醫之懵於術也旣銓行馬經四卷又輯節其要義譯以諺語剗剗而廣布之將使輿僮厮役皆得以按方施治瞭然於心目其用心亦勤矣古者馬政莫備於周官旣設校牧庾圉之職分理其事而又有巫馬掌養疾馬相醫而藥攻馬疾焉夫治馬而至於兼用巫醫聖人之致其纖悉乃如此然則完豐公之

纂是書亦可謂合於經義矣

十四年旱澇相仍太僕御馬用言者言貶損其數以示警災之意

補二十二年備局以刷馬事啓請校生納馬免講牧場馬分給各驛從之

補孝宗三年以箭郊牧馬及外邑分養馬擇給禁軍

補五年右議政沈之源筵啓北馬出來者亦有禁令而今則京外北馬頗多蓋緣爲官員者非徒不能禁斷或不無自爲持來而然現發者論以重律則似可禁止矣判尹李浣曰北馬出來者皆與其土人私相結約以爲藏踪出來之地兩道察訪雖欲禁斷而誠難摘發臣之愚意莫若分付監兵使道內之馬皆割左耳而標之出來時現捉者繩以重律

且京外有此標馬許令人陳告仍給告者則庶可禁斷矣 上問于大臣後從之

補己亥 下教于咸鏡監司趙啓遠曰北馬出來之弊自前非不嚴禁而未有實舉行之事稍好之馬則不得在於本道云此事極爲寒心卿其各別申飭嚴禁可也

七年 教曰馬之爲物不肥澤則不得展其才但御厰馬無朝夕使用之處本寺以肥而久立則生病可慮減料瘦小豈非寒心今後則盡其料而養飼務主肥大如左變通之條而遵行勿替

內廐御馬與外廐駕轎馬春秋日長則一月三次出往箭串調習往來而如洗馬之規則舉措重大內乘二人及本寺馬色官只率下輩

出去而勿爲空牽皆令騎往冬夏則一朔二次暑月則前夕內廐馬出宿于外廐趁城門開乘涼出往終日吃草乘夕回來亦宿于外廐翌朝還入以此定式

補江都誌云俗傳孝廟自藩館回駕時清帝出給一馬曰此是東國鎮江場所出今旣還國與馬同還可也 孝廟受其馬而還將渡江馬先飛涉不知去處始知其爲神種云一說 孝廟藩幸時得八駿於鎮江場云 孝廟養一馬於內廐名曰伐大驄盖是鎮江之種而異於凡鬣故有意命名最加愛育云大抵鎮江龍馬之說今古喧傳云

補李浣置所乘馬於窓外朝夕藟豆必親執以飼或言公名位旣

高而親行廝役之事不瑕有傷於體面乎答曰吾以弓馬發身常擬朝夕赴戰爲國效死一身死生專倚於馬養之無恩愛而臨危責其成功則彼雖畜物我無愧耶

補顯宗二年左議政沈之源奏曰宣惠廳飼馬之穀爲八千石請以數千石賑饑而太僕牛馬分養於西北邑從之

補十二年 教曰濟州貢馬今當上來而非徒飢民搜捕爲難驅來之際貽弊一路其停今年貢馬

補十四年右議政金壽興筵啓曰在前北路開市時清馬多數出來其處武士輩給價覓得多有可用之馬矣六鎮守令等或以公物潛買犯法者斷有禁令而他國品好之馬不必禁其覓得守令之潛買

者外依前勿禁 上曰依爲之

補肅宗甲寅停太僕買馬在前節使之行太僕例爲買馬至是正言李
字鼎啓以一匹之價逾於十家之產貴遠物費財用實非 聖朝美事
請令停罷從之

二年命罷三名日及陳賀時封進馬先時京畿三南關東北六道及政
府有方物進馬之規至是教以國無實用民弊甚多悉罷之

補十六年領議政權大運奏曰自北路出來清馬雖不合於內廐所用
而將士得以騎之不必嚴禁矣 上曰予意亦然北來清馬勿爲嚴禁
十七年 教曰下公門式路馬所以廣敬也古規雖道遇大官內乘下
而立馬於道則所過者下馬以式近來爲內乘者疲軟不職非特大官

其逢朝官亦皆隱身紀綱墜焉路逢御乘不爲下式者卿宰以上自本寺直爲草記處之堂上三品以下拿處

二十一年 教曰予曾見丙子日記 大駕自南漢將向江都牽馬陪無一人使政院使令牽馬其時景象至今思之爲如何哉牽馬陪雖至微脫有緩急所關則重而亦不可無端題給此所以 陵幸時荆開優恤之典者也御乘駕轎馬及世子宮坐馬牽馬陪每於 陵幸時以本寺木綿各給二疋坐馬牽馬陪各給一疋

補英祖十二年濟州人金夏鼎以私屯馬二百匹願納國屯大臣以其誠可尙請受馬放牧別議賞典因玉署長陳達以受之無名曉諭遣之補十四年司僕僉正金泰衍筵啓濟州馬種視前劣小至於駕轎馬太

半撻馬參用誠爲未安臣考見本寺膳錄則宋廷奎爲濟州牧使時狀請貿得撻馬數十匹放收取種而本寺物力不逮未即舉行矣其後海恩府院君吳命恒爲本寺提調時陳稟分付平安監兵營貿得撻馬放牧于鐵山炭島牧場此場馬自其後比他爲勝云可謂有效矣 教曰古者問國之富數馬以對馬政可謂重矣頃以北道開市貿馬事有所下教於大臣者矣近來駕輜馬多用撻馬誠爲寒心各別申飭可也

補二十二年以年凶停濟州今年貢馬

補二十四年 傳曰馬政國之重事而況此時乎頃者已爲申飭而今聞諸臣陳達濟州之馬將至無類云此亦曾所聞者本州國馬之府庫而若此其在謀國之道不可放忽亦不無存羊之道限三年年例馬八

匹御乘及三名日馬外歲貢馬山馬特爲停封其令取息以蕃大抵馬則一島之馬而遞任馬與他馬有異此不過養馬之勤不勤若歲歉則停封非特爲封進之有弊特爲除喂養之弊而近年以來貢馬寒心之中所謂例馬八匹即擬古八駿之意昔年則體大可騎勝於遞任今則體小無才名雖異實同歲貢此後牧使者漸至慢忽不勤享上之致今者減數之後其宜致誠至於例馬御乘紅勒以封事體重矣今不可買於燕市當用國馬以可合御乘者擇封若是下教之後其或不謹御覽日當重繩該牧以此嚴飭

御製記御馬院

御製記曰國之所重馬政也故昔人數馬而對而我國馬政其甚迂

潤若非清馬何以備御乘今則彼禁甚矣馬政尤豈弛哉昔之國初都連浦有名馬以此觀之名駿亦豈昔有今無而然乎蓋由於本寺之不飭牧官之不勤曾以此下教而于今在我之道另飭馬政亦自強之一也心常慨然今於此見己卯下教申飭之教大哉至哉弗覺欽誦茲以書付恒日感慨之意且示飭勵之意曾聞一寺官之得人廐馬能肥云內以內乘外以郎官若能竭心馬政豈無其效御乘順良然後可備御坐駕轎健步然後可以駕轎走馬能走然後可以傳命咨監御廐之臣體予此意着意養馬俾有其效焉

三十四年因筵臣所奏命以西北市所買清馬并其牝牡放耽羅取種辛巳提調洪鳳漢以取種馬之入送耽羅別無實效爲言更命分置

於他牧諸場

補三十七年秋以年凶停濟州明年貢馬

三十九年御內司僕御書下龍駿幾匹御廄自肥八字鐫揭于壁

補四十六年太僕寺奏濟州判官貢馬三匹並疲劣請拿處教曰馬不食穀禮記所載民饑若是馬疲何論其勿問仍命停今年貢馬

補古者馬無鐵每冬月冰滑則以葛編蹄若今冬月牛屏然世傳尹弼商征建州時地凍冰滑馬不得着足弼商以意剏造用鐵片圓如馬蹄下開兩股着蹄下又以子鐵如蓮子狀高凸尖底每蹄貼着八箇雖行冰上着冰不滑行師奏捷而還自是以後有馬者取以爲制勿論冬夏以鐵着蹄雖涉遠道馬不傷足人皆便之名之曰代葛

補李灝曰養馬與使馬不同使馬主於使人美其器械銜勒鞍韉鞭策自古有其物而東人加以蹄鐻行賈之言曰馬非馬蹄鐻是馬謂馬所以能役有鐻故也若夫養之則須便於馬而後能遂其茁長之性莊子曰去其害馬者害馬之甚亦莫如蹄鐻若問於馬而馬能對則必曰此物爲最害也馬雖健役久則蹄蹇蹄蹇則休養非人力所能助也自鐻之剋無遠近寒熱險夷無數日安息馬安得不疲弊而衰老觀放牧之馬飽則頽睡與人無異其駟役也晝必行走待夜飼齕無休睡之隙也馬以少爲貴未及堅固先任重運也此皆鐻之爲害也遼瀋之地與我壤地相接曰審耳察終不相襲意者爲不便於養馬豈智之不及也杜詩每云驄馬新鑿

蹄高蹄削寒玉盖古人厚養而削成所以能久不似今俗之薄治而加鐵也

正祖丙申因全羅道臣啓濟州所貢馬三十四匹海中漂失請更封之上命止之

四年四月司僕寺啓具善復時刑曹判書兼訓將疏陳軍馬孱弱之弊仍請濟

州封進中許封雌馬與北市取種馬數百匹牧養於牧場將臣所論誠爲切當而雌馬之不許越海法意有在今若開路封進則私馬混出或不無生弊之慮請今姑置之從之

六年 教曰近來司僕舉行萬萬駭然所謂調馬法意本欲逐日爲之之故內乘之晝出夜直良以此也然逐日調習尙矣無論官調私調

間數日爲之比甚絕罕或有陵幸郊行之命則迫期煩稟何異於臨渴掘井此後內乘非官調馬日毋得晝出事永爲定式至於私調馬依舊例無故日使之逐日爲之外寺調習一節參考舊例指一定式內寺後苑調馬五日一次舉行卽亦不易之規而內申以後非親臨則不許設行蓋慮武弁之因徑復啓交通宦寺之弊也非謂調馬之爲不緊而然也並宜知悉

續四月司僕寺啓內寺調馬每朔官私調各三次後苑調馬爲六次而間多不行今若申明故規叅酌事勢以初一十一二十一日行官調馬初五初十十五二十二十五三十日行後苑調馬或有置之之命則其日仍行私調官調若值有故則退日舉行一朔調馬不失十二次之數

定式 教從之仍 教曰後苑調馬丙申以後非親臨則不許設行蓋慮武弁因徑交通宦寺之弊也

續純祖三年命濟州貢馬除給三營

領敦寧金祖淳啓壯營未罷之時以濟州年貢除出幾匹輪給內外營矣今若依此例就年貢中式年則限百五十匹常年則限七十匹自本寺卽爲除出二分屬之訓局一分屬兩營則目下雖似不足歲計必當有餘請自今年施行從之

續五年十二月太僕以各道牧場馬畜數爰啓是年實留放壯兒雌雄馬並八千三百三十七匹

續十五年十二月太僕以各道牧場馬畜數爰啓是年實留放壯兒雌

雄馬並七千二百五十六匹

續今 上元年四月命京外動駕時國舅宗親儀賓承旨翰注承傳宣
傳官許騎廐馬

續三十二年命濟州貢馬屬于軍務衙門

議政府啓太僕外司今既裁減濟州年例貢馬令屬軍務衙門主管
以備軍用而貢馬則使之船運請以祛三道遞傳之弊允之

附 牧場

高麗史志曰龍驤

黃州

隴西

洞州

銀川

白州

羊欄

開城

左牧

貞州

懷仁

清州

常慈院

見州

葉戶峴

廣州

江陰

東州

補忠烈王二年元以耽羅爲房星分野以馬百六十四及牛駱驢羊來

增補文獻備考
卷一百一十五

放于水山坪

今旌義地

本朝輿地勝覽曰箭串卽國之東郊其地平曠水草甚饒繚以周陞收養國馬廣袤三十四里

世宗十四年命太僕搆華陽亭於箭串北岡

柳思訥記曰華山之東漢水之北有郊焉衆山廻抱川澤縈紆我朝定都之初以爲牧場歲壬子殿下命提調崔潤德等搆亭於北岡余謂天下樓臺皆有其名而獨此亭無名可乎因取周書歸馬之義扁之曰華陽惟我太祖應天順人化家爲國列聖相承偃武修文歸馬放牛維其時矣

明宗九年築箭串牧場石堤先是箭串設木柵以民結造排逐年改修

吏緣爲奸提調尙震建白賞布募役築之以石川流處則設鐵索開閉皆有規畫是歲頗飢或以時屈爲言震曰與其徒賑以糜穀不若因就以立事卒成之

補臣謹按箭串牧塲世傳當初設築時屬之廣津故奸民盜取國馬舟載以去本寺爲是之慮縮其幅員種柳編結以防風逸至是尙成安代以石築鐵索截流而其弊始祛云

補顯宗十一年備局啓曰諫院以軍兵馬匹放牧事爲請而箭串周圍不廣難容千餘匹戰馬踉蹌之致傷亦所不免其間事勢種種難便料太母論上中下馬皆以六斗減給官馬中品劣不合戰馬者除出放牧以紓一分經費匱竭之患從之

增補文獻備考
卷一百一十五

京畿江華屬鎮江場 信島 尾島 煤音島 彌法島 北一場

長峰島 注文島○仁川屬龍流島 無衣島 薪佛島○南陽屬大

阜島 靈興島 仙甘島 召忽島 伊作島 小牛島 伊側島

佛島 楓島 立破島○水原屬陽也串 洪原串○陽城屬槐台串

補 原本所錄訛謬忒甚故一從
本寺案所載釐改他道放此

補 肅宗三十四年江華留守朴權請罷鎮江牧場許民耕食下詢入

侍諸臣北一場特令革罷尋又因留守所啓諸臣建白罷鎮江牧場

移設於甫音島

補 三十六年江華留守閔鎮遠啓曰聞曾前江華監牧官以草芝萬

戶兼察云今亦依舊例鎮江場則以草芝萬戶兼管諸島牧場則差

出注文別將使之兼管而監牧官則革罷凡島民一應雜役沒數蠲除司僕上納之物如川椒海艾兩種外一切減除雖土產之物皆自本府捧上移送本寺俾無情債刁蹬之弊回啓許施

補景宗三年持平沈珍啓曰近來鎮堡洪原串牧場之創設牧官也臣請略論其兩地弊端焉夫大阜之設置牧官其來已久連以士夫蔭官差遣爲牧官者別無鄙瑣之事牧民只供太僕之役矣始自十餘年前牧官變爲僉使而戰船防軍初無劃給之事蓋花梁在於隔浦以有器械軍丁故也疊設僉使鎮於牧官之地徒貽牧民無窮之弊所謂弊者何也既有僉使之名故喬桐永宗等處文報酬應不一其端所入情債皆出島民加以中庶無識之類連續差送貪漁不法

之弊罔有紀極一島渙散有十家九空之形矣至於洪原牧場本屬於牧官別立衙門之後大小供億無中辦出徵歛之道百倍於前若干牧卒舉皆壞散不特此也爲牧官者嫌其官用之不贍與牧子輩符同多設鹽盆於場內水草之地驅出馬群禁其草蘇以爲煮鹽之柴上自牧官下至牧民惟以煮鹽興利爲事至於馬政置之相忘馬城雖毀故不修築以致馬畜四散蹈躪民田其爲弊端旣如是孔慘故牧民至有上言哀訴臺官又爲發啓蒙允而本寺惟事防啓因循不罷生民之害日以益甚當此荐飢民困之日苟有一分救弊之道不可不汲汲變通請令廟堂斯速稟處革罷大阜島新設僉使依前以牧官擇差洪原之新設牧官亦爲革罷依前屬之於大阜牧官以

除無限弊癘荅曰依啓

忠清道瑞山

屬場

大山串○泰安

屬場

梨園串

遠西面禿津島○洪州

屬場

興良串○沔川

屬場

倉宅串

全羅道興陽

屬場

道陽場

折爾島

小鹿島

示山島

鹿島

屬場

在道陽場周

內廻

个叱島○順天

屬場

內羅老島

城頭串

外羅老島

禾太島

盖

島

諸里島

白也串

突山島

白也島

狃島

狼島

黔毛島

○樂安

屬場

獐島

○海南

屬場

黃原串

○珍島

屬場

智力山

南桃浦

屬場

在智方山周

內廻

○康津

屬場

薪智島

○靈光

屬場

多慶串

荏子島

○羅州

屬場

押海島

牛串島

長山島

慈恩島

智島

○務安

屬場

加羅串

咸平

屬場

珍下

山

補宋時烈己巳擬疏曰國君之富以馬計之我國馬政疎脫且南方之馬其性柔脆難用於戰陣凡南方牧場皆移於西北則所產皆可用南方牧場使民人耕作仍以其人爲水軍山郡水軍一切斥罷馬政與海防兩得其宜矣

濟州牧六所 大靜三所 旌義二所 山屯 牛屯 乙丙別屯
清馬別屯

補鄭以吾記濟州牧場曰馬畜之所孳猶晉之屈產非諸州之所可擬也

補今濟州土馬有正至誕日進上馬又有遞任馬年例馬歲貢馬多者數百匹小者或三四匹

補肅宗三十一年李寅燁啓曰牧馬國之大政近來馬政踈濶濟州及諸牧場馬種駑劣莫甚誠爲寒心濟州是我國冀北國初則多以此進貢中朝 祖宗朝亦皆以此島馬御乘矣卽今則御乘俱是彼國之馬我國馬則絕無可合者蓋緣放牧之失其道而然也國綱解弛人不畏法多以雜種換去牧場中好品故駿蹄不產云今此御史下去時兼察馬政之意添入節目另加分付何如從之

續正祖八年備局啓辭以濟州牧使嚴思晚狀啓以爲各牧場馬親自點閱則大靜縣監朴載淵所管牧馬照準前籍摠數剩爲一百十八匹旌義縣監李長益所管牧馬照準前籍摠數剩爲三百七十三匹宜有別般褒賞以爲激勸之地爲辭矣馬政國之重務而近漸解

弛舉有耗縮之弊未聞蕃息之效不可無申明激勸之道而今此大
靜縣監朴載淵馬籍元摠七百三十三匹而剩爲一百十八匹旌義
縣監李長益馬籍元摠一千五百六十二匹而剩爲三百七十三匹
牧官之通考連等滿五十匹以上者論賞載在經國大典而千匹之
馬縮至八十四匹則該守令論罪剩爲百匹則該守令陞叙且有判下
事目兩邑守令依事目特許陞叙以爲激勵之地何如答曰允該牧
使狀辭旣如此此等守令依事目別加論賞然後可爲勸後之道待
限滿遞來後陞叙承傳趁卽施行之意申飭銓曹可也

慶尙道晉州

屬場

興善場

昌善場

赤梁島

○巨濟

屬場

舊永登場

長

木浦場

漆川島

加助島

九千場

舊助羅浦場

知世浦場

山達島○固城屬場三千唐浦場海平場○南海屬場錦山場○蔚山屬場

魴魚津○長髻屬場冬背串○東萊屬場絕影島 瓦浦 烏也項○金海

屬場金丹串

黃海道海州屬場延坪島○康翎屬場登山串 巡威島○甕津屬場麒麟島

○長淵屬場白翎島○豐川屬場椒島○殷栗屬場席島

咸鏡道咸興屬場都連浦 花島○文川屬場四訥島○永興屬場末鷹島○

洪原屬場馬郎耳島○端川屬場豆彥台○穩城屬場莎草島

補端川邑誌曰 太祖潛邸時所御名馬凡八卽所謂八駿馬也暨

登寶位軫歸華陽之義就其中二老馬放之本郡因爲取種孳長二

馬盖是渥洼神種是故本郡牧場世產超逸之足最有名於國中云

補肅宗十五年咸鏡道御史李萬元筵啓咸興都連浦牧場諺傳我太祖潛邸時得神馬於神井以爲其地宜馬始爲設場而第場在大野之中草不茂盛且南連廣浦東接大海西北則築土爲防而周回至十五餘里每年使咸興洪原定平三官民改修築若或爲雨水崩頽則不拘農時動民修築以此民不堪其苦且於壬戌大水城川江下流衝破場內神井填廢泥沙沒膝每當潦水馬多漂失又以草不茂盛之故亦多逃逸廣浦合水之時則尤難防閑或爲奸民盜竊或爲虎豹所斃年年減縮所存無多徒爲貽弊於民而不便養馬矣聞其近處永興末應島牧場地廣草茂可以養馬千頭卽今所牧不滿六十匹云若以都連浦馬匹移養於此則事必便好矣 上曰令廟

堂問其便宜於本道後稟處

補三十四年吏判李寅燁筵啓北道都連浦乃牧場之大者而產出神馬種有名於國中我太祖龍潛時得其駿良以爲御乘之說至今流傳矣向年牧馬軍爲潦水所漂死仍罷牧場北路之人至今嗟惜故本寺更欲設場昨年已達於草記矣今若欲復設則趁今秋入送本寺官員看審形止依前節目定式分付似爲着實 上曰此地似是大牧場也從速復設爲好直爲分付可也

補三十五年司僕提調趙泰采筵啓都連浦北路巨場素稱神馬之產而以本寺郎廳書啓見之水草又如是豐饒中間革罷實無所據而點馬書啓監司狀啓皆以爲瘠薄之地云者似出泛聽民言而然

也所謂舊場周回三十里而居民多至百餘戶新場周回四十里而土地膏沃爲北路之最優云當此馬政大縮之日不可不復設矣且我國北方卽中國之冀北今若復設則良馬必將由此出矣以工役言之則土築處十五里而木柵處一里許此則附近三邑之所當設築而舊築間有完存處所築之役不至大段場南廣浦合水後設木柵以防馬匹踰越之處亦是二十里許此則以場內屯田分給居民使之除稅畊食備設木柵而不必如箭串之逐年改排只令隨毀隨補亦是省弊之道矣從之

補英祖五年吏曹判書趙文命筵啓近來馬政之虛疎皆由於爲民侵耕而然也水草不足故馬不蕃息不可許耕矣尹淳曰都連浦牧

場自北路來者皆言有弊而年前亦乍罷旋復蓋自本寺不許其仍罷故矣領議政洪致中曰此牧場實爲傍近數邑之民弊此是太祖朝龍馬所出之處設置已久似不可猝廢宋眞明曰此牧場非依山臨水四面平野故每年竭數邑之民築沙植柵水少至則沈城漂柵便成一海馬軍之渰水沒泥而死者相續決非牧場可設之地也

平安道鐵山

場屬

大串

椴島

○宣川

場屬

身彌島

炭島

肅宗四年司僕寺以我國馬種纖劣之故不馴雄馬中體大禾少者及雌馬中可合特長者隨所得貿來平安道椴島所在馬移放身彌島後仍爲放牧于椴島以爲取種之地榻前定奪分付道臣矣卽接鐵山監牧官報狀則清馬雌雄並八十四匹果爲貿得來到本場

云所當依定奪。檄島馬移放身彌島後放牧於本島而第移放一欸。檄島馬種本來骨駿體大而現存元數亦近四百匹。當此草盛孕孳之時數多不馴之馬。一時驅捉藏船之時及近百里海路運越之際。其所致傷損斃者想必不貲。且他島馬合放之後主客相猜鬪鬩不已。自多有致斃之患。取考前日移放謄錄則曾在 孝廟朝壬辰年間江華鎮江罷塲後馬匹移置諸島之時元數九百四十七匹。內致斃者四百三十餘匹。又於庚寅年罷塲移馬煤音島時相距不遠而元數一百匹內致斃者七十匹。則此其已然之明證矣。今此貿放胡馬者本欲取種蕃殖而若因其移放使檄島體大之馬如或數多致斃則所得反不如所失。移馬一欸實涉重難矣。得聞鐵山府所管大

溪島在於本府不遠之地而周圍雖不廣濶水草豐洽可容數百匹馬群且無田畝妨碍之端云今此貿得清馬姑先放養於此島以觀來頭特長蕃殖然後漸次變通移放他島事涉便當以此分付道臣及本官何如從之

附廢牧場

案京畿項浦吾朶尤振威屯不敢載錄
案似是廢場而未詳在處不敢載錄

京畿沙牧島

坡州

壺串

長湍

甫音島

松家島

江華

紫烟島

茅島

難智

島

士也串

仁川

德積島

昇黃島

禿甲島

南陽

忠清道智靈山

安

眠串

薪串大小山

泰安

元山島

洪州

全羅道赤尒島

平內伊島

沙

日每島

所里島

大頭里島

小頭里島

多里島

自毛島

安島

毳見島

興陽

耳里島

大花島

小花島

四叱島

順天

占察山

夫之山島珍 古爾島津康 來德島 得良島 帳內串與長 甌島 古耳

島 臨溜島光靈 箕島 安昌島 其佐島州羅 箕食島溝沃 慶尙道閑山

島 龍草島濟巨 葡萄島城固 龜山島漆原 加德島川熊 鳴旨島 古今丹馬

城海金 黃海道龍媒島 甫音島州海 昌麟島津甕 大青島淵長 平安道都致

串州定

臣謹按牧馬之數每年孳產不齊且有亡失並與土賦廝卒而自不免隨時增減今茲所錄只舉其諸場沿廢而已

補世祖六年七月以黃守身李克堪及兵曹判書金師禹爲牧場提調諭諸道觀察使曰國之強弱在馬故問國君之富數馬以對昔元世祖欲以江南爲牧場予亦欲以江原黃海之地並合爲一大牧場然不可

以人易馬今且令諸邑各占一山水草俱足分處十匹以至千匹則何憂不成乎卿速審某州某山限九月晦間乃啓

韻玉曰我 光廟命撰畜牧書先圖其形次論其相牧養治療調習之法無不備載命李承召作序

李珥疏曰今之島馬有籍而無其實臣意京外武士善騎射者試取優等使就牧場自擇壯馬使監司及都事同監分給錄年齒毛色大小高低寸尺之數爲三籍一上于兵曹一上于司僕寺一留于本官使之善飼自騎每年終察其肥瘠以行賞罰若馬死於五年之內則量徵其價臨事變則按籍收取許令分騎至如廣貿唐馬胡馬亦以此法則業武者不患無馬而國有緩急之資矣

趙憲擬疏曰牧場之馬群行蹂躪全不孳息而兼監牧者畏其落職
虛張其數以報之及乎點馬則徵于牧子以充其數之後不能孳長
者老而自斃臣之愚意竊以爲徒守虛籍而必求充數則馬爲無用
之物而牧馬之地乃所以爲害民之阱也若能歲揀其不能孳息者
分給能射之士則場馬無群鬪蹂躪之害而牧子庶免徵納之苦戰
士有馬庶於平日閑習驅馳而無臨危奪馬之患矣

仁祖十九年太僕提調李曙張維圖進牧場一百十九所

補臣謹按原本雖作十九

年而十九年卽辛巳而李曙丁丑卒張維戊寅卒年條恐誤

張維圖序曰馬政國之重務也升平旣久馬政漸弛 宣廟中年牧
場之廢者四十餘因經壬辰之亂群牧之凋瘵無足怪也臣曙待罪

太僕寫牧場圖以備睿覽藏其副于本司又藏之史庫我國惟江原道無牧場京畿三十場有馬者十六監牧官二員公清道十場有馬者四監牧官一員全羅道四十二場有馬者十四監牧官三員慶尙道二十一場有馬者四監牧官二員咸鏡道六場有馬者五監牧官一員黃海道十場有馬者七監牧官二員平安道四場兵後皆廢摠之牧場百十九所而有馬者四十六廢者七十三耽羅在海外關西四場爲遼民所占箭串郊於國都故今皆不圖場之廢者往往募民開田收其入以佐菑秣或有入於諸宮及他衙門者當次第復舊此正今日作圖之意也

孝宗己亥鄭太和於亂後得此圖於公廨破壁更寫以進

補孝宗七年領府事李敬輿筭曰我國諸島之牧馬爲戰用也而今

則只爲帖給朝臣之資臣竊以爲不可今宜捉出壯馬盡送邊上試才賞給而留置若干種馬以曾經六品有才局之人定爲監牧之官考其勤慢明其黜陟則不出十年馬大蕃息而軍勢自壯矣

柳馨遠曰我國設牧場皆在於海曲州島宜馬之地莫如西北而南方極多西北反少是措置之未盡其當者也昔唐置八坊於岐幽涇寧地廣千里以太僕少卿張萬歲領群牧自貞觀至麟德四十年間馬七十萬六千餘匹是時天下以一縑易一馬唐馬之盛古今稱之本國縱不能如中國之爲宜擇宜馬處展寬場法百餘里或數百里并諸場而合設其餘則罷以與民一道無過一二場又修西北牧場并如其制則馬政易舉而孳牧蕃盛軍國之用無

憂不贍矣

肅宗四年太僕提調許穆金錫胄圖諸牧場以進

許穆圖後識曰箭串國之東郊之地南濱大江畜牧四十里長湍壺串高麗廢畜牧其田計結四百十四播種五百東海無牧場西南北海諸島嶼牧場百十九所是也無馬棄場七十三既有十二監牧增置四屯將掌廢牧墾田田租之事歸之於葛秣財用吏胥工匠百隸大小稍食歲出三千穀不足自壬辰以國家多事東萊釜山昌麟龍媒皆置鎮戍海坪最大鎮松家元山古彌士也串分屬於諸營屯田六貴戚大家折受者三移屬內司二明禮宮一近世以來中外多事西海有虛警文武諸臣多言治兵海戍元山楸島太僕畜牧舊地於

是置二鎮戍江華鎮江 孝宗末移耽羅馬今畜牧蕃息南陽大阜
前年又移耽羅馬宣川身彌皆一種長鬣冬背串東萊絕影出善馬
北海諸島如四訥末鷹都連馬郎耳豆彥台坪稱善馬山深草茂泉
甘入山者多駿云諸島皆然漆川供牛牲祀部所職誌曰南方多鳥
北方多獸北海諸島出善馬多於田獵馳騁挹婁石晉時貢楛矢曰
候馬牛西向眠者三年知大國所在云馬之性知覺最神前時移馬
於別島水草不樂群馬相從故島或海遠風濤惡馬多溺海不出云
補九年正言金構上疏曰夫古之軍政以馬爲重而國家外有牧場
以主孳長內有司僕以受歸輸祖宗立制非不周便而近來馬政不
舉牧場稍變爲田賦稅歲入帑藏日積其多般名目歸於私用者不

勝其耗費而喂養之資取諸該曹者無減於前日故司僕之官世稱豐饒其有形勢者遲回盤薄累年不遷雖有華秩不願易也夫牧場爲田則馬畜雖不滋息賦稅歲入則戶曹喂養之資固宜減除而依舊不變未知何故也自今監牧官勿用自辟必擇有才能可任事者責其成効嚴其殿最以爲勸懲之地而其田賦之入歸諸戶曹以佐經費以補飼養則其於養馬之政不爲無益矣

補朴世采疏曰國中產馬固難與漠北並盛第自耽羅以下遠近諸島所蓄養會而計之厥數不下數萬雖驛路贏餘想亦甚多今當使武士善騎射者親往自擇以爲戰馬別定規束略如李珣所論則不但武士各得戰馬自可轉無用爲有用矣

補英祖十二年判府事徐命均筵啓馬政有國之重而近來馬政極其虛疎以匹數言之比八十年前反有不及矣牧場馬例以一百二十四爲一群定給牧子九名使之看護而此外別役頻數必須數多可以應役故定額外有加數此非捧布者而受教內牧子子枝勿定他役蓋以移定他役則不能保存故也頃年李匡德按湖南時勒定他役故其時自本寺草記禁斷矣日前湖南伯趙顯命又以此狀請備局覆啓許其覈出冒屬者移定而聞順天興陽兩牧場牧子辛壬兩年物故過半今若移定他役則牧子將不得保存事極可慮依數教牧子子枝則勿侵他役之意分付諸島何如 上曰依爲之

補二十三年 傳曰自古馬政國之大者而近者馬政可謂寒心此不

過濟州則爲牧使者各牧場則監牧官及兼監牧官不能舉職之政不可一任其因循備局與太僕商確舊政之解弛者一新修舉諸時牧場處太僕列書以入則當隨時遣宣傳官摘奸一從其數之眞僞其馬之肥瘦當有勸懲之道而濟州貢馬亦從肥瘦一體勸懲以此分付

續正祖七年備局啓曰觀此大司憲洪良浩上疏其一卽驢羊畜牧事也驢之服乘可代牛馬羊之孳長可備牲性則實是民生之利用有國之緊需私買之驢公買之羊非不相續於使价之行而驢渡鴨水多患病斃羊入東土每致耗損曾未見蕃殖之效或由於風土之各殊牧養之失方而抑亦羊需享祀驢爲騎乘皆取牡而不取牝故無所孳育而然矣風氣之殊雖有彼此牝牡之孳豈無其理先使灣府買來驢羊牝

牡若干頭驢則放牧於閒曠牧場羊則分屬於西關各邑依倣彼人牧法而試令孳長果能宜於畜養蕃其種類則公私所需利益必大漸次多買以爲廣殖之道亦合事宜

補經國大典 諸道牧場以雌馬一百匹雄馬十五匹爲一群同牛每群

定群頭一人群副二人牧子四人看養每年息八十五匹以上者群頭

加階特異者加階授職監牧則孳息數三年通考連等滿五十匹以上者論賞○群頭群副牧子

遺失馬牛一匹笞五十監牧減一等每一匹加一等罪止杖一百準數追徵

故失馬三匹給一匹徵一匹牛二首給一首徵一首馬則濟州外並以綿布徵上等八匹

中等六匹下等四匹兼監牧差減徵○牧場內有虎豹不卽捕獲致殺馬牛五匹

以上者監牧杖一百兵馬節度使杖九十每歲抄本曹考點馬之籍其遺失故失致殺最多者孳息

數三年通考連等未滿
三十匹者監牧罷黜

續大典 濟州旋義大靜牧場體大馴良有才色馬作馴調養遞來
官進上牧使判官各三匹縣監二匹○牧場馬深烙使無用奸○國馬
遺失十匹以上監牧官罷黜五匹以上降資四匹推考○私馬之可合
御乘者厭憚被執割耳剪鬃者杖一百馬屬公○牧子子枝勿定他役
厭避牧子投屬歇役者刷還本役

附 廐牧諸例

每年西北開市後各進御乘一匹○濟州歲貢二百匹年例進上八
匹三名日進上六十匹御乘別馬二十匹差備進上八十匹

只式年
加進

山屯馬二百匹

三年分二
運上來

駕駘二十四匹三邑遞任時封進三匹○各

道牧場歲進馬合三十二匹

右封進

場馬六百四匹自司僕出給於統兵水營以下各道列邑秋後留養來春還納而惟咸鏡道北關慶尙道東萊平安道江邊七邑不論

補續大典 分養馬故失瘦瘠不馴守令論罪一匹重推二匹降一資三匹降二資四匹罷職故失者以馬匹生徵

右分養

訓局馬兵四百七十七匹禁軍二百七十七匹御營別抄五十匹禁衛別

武士三十匹

馬若病故則以分養馬換給

右班給

內司僕御乘十匹坐馬五匹走馬十匹邊馬三十五匹○外司僕駕
輜馬三十匹獨輜馬十五匹走馬十五匹卜馬一百二十匹內農圃
馬二十匹

右恒留

續今 上光武八年現存馬匹騎兵隊四百匹砲兵隊三百十一匹輜
重兵隊一百十一匹

增補文獻備考

卷

百

一

三

增補文獻備考卷之一百二十五

增補文獻備考卷之一百二十六

弘文館 纂輯 校正

兵考 十八

驛遞

三國史地理志曰唐李勣奉勅以高勾麗諸城置都督府及州縣目錄云自國內城從平壤十七驛

賈耽郡國志云自新羅泉井郡

今德源

至柵城府凡三十九驛

新羅炤智王九年始置四方郵驛命有司治官道

高麗分各驛丁戶爲六科一科丁七十五二科丁六十三三科丁四十五四科丁三十五科丁十二六科丁七
狻猊雖在兩京間比他驛役事

不緊故仍定五十丁林原

屬與郊驛

雖非兩京間役事最緊故在一科朔安

朔方屬驛

雖爲三科非沿路故定爲二十五丁桃源雖爲三科在東西要衝

故定爲五十丁若有田而丁口不足以本驛白丁子枝自願者充立

成宗時判諸驛長大路四十丁以上長三中路十丁以上長二小路亦

依中路例差定

元宗時判各道出使大小員鋪馬宰樞十匹三品員及按廉使七匹叅上別監五匹叅外別監及外官叅以上三匹叅外二匹叅上都領指諭等差使員三匹將校一匹

忠烈王時都評議使言今年正月帝令於朝聘路次置伊里干以供役事尋遣塔伯海等就瀋州遼陽之間撥與土田標定四至其鴨綠江內

令本國自置兩所今請於所賜之地名營城伊里干者刷各道富民二百戶徙居之擇副戶長別將等爲頭目各管五十人五年而遞所徙民父母兄弟之留鄉者復之頭目之有功者賞之其所徙二百戶厚給其屋舍農器衣食之需又給兩界亡丁投化丁田各四結從之

補二年元立鋪馬筭子色慶尙道元屯邊官申中書省曰高麗人無事乘驛致其疲弱設有他變恐不及時於是省牒禁之諸驛馬皆屬達魯花赤令國人受其筭子許給

忠穆王時判以騎私馬受公券橫行村驛者叅上囚從人叅外囚當身所持馬定屬各驛

辛禡十二年明高皇帝收納前元給付鋪馬蒙古文字頒降雙馬四道

玄字號單馬二道洪字號起船二道安字號

趙浚疏曰兵興以來使命煩多冠蓋相望一匹之命矯至八九匹一使之供多至數十人以有限之供億應無窮之使客願自今朝廷文字皆以懸鈴行移非軍情緊急重事不給驛馬違者痛理之又曰供驛署全掌八道之驛而人輕職要館驛受害請屬之軍簿司指路知路亦據都堂公緘開印發遣又曰國家雖置程驛別監一人不能獨理置私屬以爲耳目願自今每驛置五六品丞一人其保舉如守令例給半印而遣之其能者補守令且授京官以示褒賞

補柳馨遠曰麗季之人有言置驛本爲傳命而近年以來凡有轉輸皆委驛戶致令人馬困弊宜加禁斷此言誠可警念

懸鈴傳送式 三急三懸鈴二急二懸鈴一急一懸鈴隨事緩急行之
皮角傳送式 自二月至七月三急六驛二急五驛一急四驛八月至
正月三急五驛二急四驛一急三驛

本朝有明朝符驗六度今在尙瑞院

洪武所賜二萬曆所賜四以黃縑裝軸繡字畫馬書明帝聖旨公差
人員經過驛分持此符驗方許應付馬匹如無此符驗擅便給驛各
驛官吏不行執法循情應付者各治以重罪宜令准此 凡六十 其下

記元月日安制誥之寶

世傳我國使臣之入朝也到中國地方須持此驗討乘驛馬往來云崇禎後癸巳因筵教

藏 櫃

補世祖三年 教兵曹曰驛路者國家大脉也而朝廷忽之有司慢之

增補文獻備考
卷一百二十六
今作數條期令必行惟爾兵曹其速奉行毋踵前轍每節季考諸驛殘
盛黜陟察訪

補孝宗己丑備局啓曰海西之驛曾在昏朝時尤甚凋弊者實由於豪
勢牟利之徒圖納馬匹又圖得本馬本馬之價有加於新納之馬而肥
養之後又爲圖納馴致各驛之無形極爲痛愕比來此習稍稍復作漸
至滋蔓殆不可支尤極驚駭今若因循不改則與者受者俱以贓律施
行而本道監司專管此事不能痛禁或有現發則亦難免此律之意黃
海監司處并爲行會何如從之

補顯宗朝李慶億爲京畿監司剏立六郵館以處驛馬又剏雇馬法至
今賴之云

補肅宗三十一年李寅燁啓曰鳥嶺內則延豐忠州外則聞慶咸昌幽谷察訪又在嶺底竹嶺內則丹陽永春外則豐基順興昌樂察訪又在嶺底若設關防則此皆可以挾守內外而朝家軫念驛路之凋弊每加優恤故閑丁投入其麗不億今於驛吏卒中除應役外並皆搜出作隊如居山輸城之例則緩急之際亦似得力此等事並令廟堂稟處似好矣 上曰與大臣商議爲之可也

補英祖十六年俞最筵啓曰古者驛騎有日行三百里之制其置郵傳命之道如彼其速而近來各驛凋殘大小使行多闕立把之馬此莫非草糾給馬與濫騎有弊而然矣各道監兵營祭物及進封等物亦或以驛馬載運者有之監兵使之子及軍官輩皆乘驛馬以至於各驛不

能支吾之境此則軍官例騎之外各別禁斷似好矣 上曰雖有濫騎者無狀聞之道何以知之乎右議政俞拓基曰兼察訪則例有直狀之規而近來察訪多以無勢孤弱者差送故大小使行雖或有濫騎之弊其何以狀聞乎高山則本以名官差送而至於成歡叅禮等處亦以將來通清之人差送則似好矣 上曰申飭于各道道臣及察訪可也

圖三十五年前嶺伯趙雲達筵啓嶺南十一驛凋弊特甚傳命重地將至絕站之境誠非細慮究厥所由則專在於責立獐馬之致以重價艱辛買立若數次驅馳於要路馬輒病且斃而旋又責其代立此道驛規異於他道各驛馬價不責戶首而輒分徵於貧賤下卒一年所費其數不貲驛屬安得不逃散而驛路將何以支保乎月前因備局關臣亦另

加申飭而因循之弊恐難一朝之痛革矣此後則各營及別星如有責立獐馬之事察訪卽爲論報巡營而道臣隨聞馳啓以爲從重科治之地則庶可禁止而臣於臨歸時得聞察訪之言則備關行會之後各營又以絕大常馬責立云若然則常馬之價殆過於獐馬革弊之意果安在哉此亦一體嚴飭似好矣 上曰聞甚駭然予則以中馬善步者勝於大馬矣此後責立獐馬及絕大常馬者道臣以下各別重繩以此分付

續四十八年大司諫洪良漢筵啓向年清馬之禁雖出於一時矯弊之政而年久之後清馬絕不出來土產馬日漸稀貴價直反過於清馬驛夫每難於責立而內而騎曹外而各驛所立大馬體小步短殆不成樣

時急傳命輒致稽滯至於軍門所用尤無以張軍容而責馳突堂堂千乘之國實有疲弊之嘆臣意則兩南水土不習於北馬姑爲仍前而其外諸道各驛上等馬叅用清馬漸復古制爲宜下詢大臣講確變通何如 上曰卿等之意如何領議政金相福曰以楚材晉用之義清馬之多來何害於我國而湖南風氣不併以北無恠其北馬之難於豢養至於湖西嶺南異於湖南此外諸道驛馬之責立清馬臣意本如此今諫臣所論誠有所見矣右議政元仁孫曰諫臣所奏誠有意見雖以開市言之清馬交易不當自我國防禁况驛馬乎聞今土產絕貴馬政疎虞云若然則諸道駟騎之用清馬尤不必禁矣 上曰頃者申飭意亦在也而今聞所奏予有覺者聞相臣所奏亦然此亦一弛一張之道也諸

道上等馬勿禁

各殿皆有馬牌

大殿馬牌以山柚子為牌體圓一面書一馬至十馬一面篆書馬字大妃殿中殿東宮嬪宮世孫宮世孫嬪宮

書一馬至五馬

經國大典凡奉使人員及觀察使節度使兵曹依等數給帖尙瑞院給牌

馬牌之制以銅為之

體圓一面依各品數書馬一面書字號年月又有尙瑞院印四字篆印

大君議政乘馱合七匹

一上等六下等

正二品以上乘馱合六匹

一上等五下等

從二

品

一匹減

三品堂上官乘馱合四匹

一上等三下等

六品以上乘馱合三匹

一中等二

下

九品以上

一匹減

赴燕上副使各乘馱三匹

一上等二下等

書狀官乘馱合二

匹

一中等一

御史乘馱合三匹

一上等二下等

通信使乘馱合三匹

同上

從事官

一減

觀察使節度使並受發馬牌凡啓聞及進上則發馬鎮將驛官及沿邊未挈家守令並給馬遞來時同○軍情緊急用雙馬

續大典驛路分大中小路 諸道使客以下分路往來違者道臣糾舉以聞

大路京畿十二驛中路京畿九驛忠清道二十四驛全羅道四驛慶尙道五驛江原道六驛黃海道十一驛平安道十三驛咸鏡道三十
七驛其餘並屬小路 忠清全羅右道由衿川水原路忠清慶尙左
道由廣州利川路全羅左道慶尙右道由果川路

草料 軍官宦官鎮將未挈家者西北濟州子弟及押貢人並給 續

大典赴防出身及各營摘奸進上褒貶陪持將校亦給

路文 英祖三十八年因相臣洪鳳漢奏命罷大小使客先文之規倣

中朝牌文例印填從隸及路程以除濫擾之弊

掌屬諸驛 高麗狻猊道掌金谷白州等十驛 金郊道掌麒麟平州等十

六驛 岳嶺道掌丹林黃州等十一驛 興郊道掌通德肅州等十二驛

興化道掌雲興郭州等二十九驛 雲中道掌圓林延州等四十三驛 桃

源道掌白嶺端州等二十一驛 朔方道掌平元永興等四十二驛 青郊

道掌通郊臨津等十五驛 春州道掌甘井嘉平等二十四驛 平丘道掌

奉安廣州等三十驛 溟州道掌降仙襄州等二十八驛 慶州道掌良梓

等十五驛 忠清州道掌長池清州等三十四驛 全公州道掌參禮

增補文獻備考
卷一百一十六

全州等二十一驛 昇羅州道掌敬陽光州等三十驛 山南道掌小男晉州

等二十八驛 南原道掌烏原任實等十二驛 慶州道掌長守新等二

十三驛 金州道掌肝谷蔚州等三十一驛 尙州道掌洛東尙州等二十

五驛 京山府道掌金泉金山等二十五驛

本朝京畿延曙道楊州屬碧蹄高陽馬山坡州東坡長湍青郊開城中連豐德桃源

道長湍屬駒化百嶺並同府丹棗湘水並積城玉溪漣川重林道仁川屬慶信同府石

谷安山盤乳衿川終生通津金倫南山並陽川良才道廣州屬樂生同州駒興金嶺並龍

仁佐贊分行並竹山無極陰竹長足同化菁好並水原海門花梁並南陽加川陽城

康福安城慶安道廣州屬德豐慶安並同州牙川利川留春吾川並陰竹楊花新津

安平並驪州共三等馬三百五十二吏卒三千五百七十

忠清左道連原道忠州屬可興同州黃江水山並清風長林丹陽龍安丹月並忠州

安富新豐并延豐仁山槐山坎原陰城泉南堤川安陰清風令泉丹陽吾賜永春栗峰道

清州屬雙樹猪山並同州長楊台郎並鎮川德留文義時化清安含林元巖並報恩增

若嘉和土坡順陽化仁並沃川會洞永同新興黃澗田民懷德成歡道天安屬金蹄

同縣廣程日新敬天維鳩丹平並公州平川連山迎春木川長命清州金沙燕岐共三

等馬四百七十八吏卒八千七百四

右道金井道洪州屬花川平澤長時牙山時興溫陽昌德新昌日興禮山光時大興世川

洪州青淵保寧海門結城汲泉德山夢熊海美豐田瑞山下川泰安順城沔川興世唐津利仁

公州屬榆楊山恩山扶餘靈榆林川龍田扶餘宿鴻鴻山藍田青化並藍浦豆谷舒川

新谷韓山共三等馬二百七十四吏卒一萬四百六十六

全羅左道碧沙道

與長

屬可申波青

城並寶

楊仁

陽與

洛昇

安樂

鎮原通路

並康

杳山南利別珍

並海

檠樹道

南原

屬東道應令昌活

並府

引月

雲峰

知申

城谷

洛水良栗德陽

並天順

潺水

禮求

益申蟾居

陽光

景陽道

州光

屬昌申

昌淳

德奇

陽潭

大富

玉果

黔夫

同福

人物

綾州

加林

和順

濟原道

錦山

屬所川

茂州

達溪

龍潭

丹嶺

鎮安

玉

包

高山

共三等馬

二百七十四

吏卒

一萬七千九百七十七

右道青巖道

長城

屬永申

同府

仙巖

光州

青巖申安

並州

永保烏林

並巖

光利

景申

南平

加里

務安

綠沙

咸平

青松

靈光

參禮道

茂長

屬半石鶯谷

並府

良才

同山

居山

秦仁

川原

井邑

葛潭鳥原

並實

才谷

咸悅

蘇安

臨陂

內才

金堤

扶興

扶安

永原

古阜

共三等馬

二百七十二

吏卒

六千三百四十九

慶尙左道黃山道

梁山

屬由山渭川

並郡

德泉

並陽

仍甫蘆谷

並州

堀火肝

谷並 蔚 阿月新明並 續 蘇山休山並 東 德山並 金 無屹金洞水安龍駕並 密

陽 省峴道清 屬烏棲榆川買田西芝並 同 押梁並 慶 凡於琴川舌化幽山

並 大 雙山立 內也寧 昌 一門溫井並 靈 安奇道東 安 屬琴韶松蹄雲山並 同

鐵坡青路城 義 青雲梨田文居和目並 青 角山並 真 寧陽寧 海 松羅道清 屬

望昌與 海 大松日 延 峰山長 南驛朱登並 德 柄谷寧 海 陸驛慶 州 長水道新 屬

牛谷與 義 華陽陽 河 山驛慈 清通清鏡並 永 阿火毛良義谷沙里朝驛仇於

鏡驛仁庇並 慶 富平並 蔚 昌樂道豐 屬昌保平恩並 榮 甕泉幽洞安校並 安

東 宣安禮 安 通明禮 泉 竹洞順 道深奉 化 共三等馬七 百 八 十 七 吏卒一 萬 八 千 七 百 九 十 三

右道自如道昌 原 屬新豐近珠安民同 省法赤項南驛金谷大山並 金

昌仁靈浦並 漆 巴水春谷保平並 熊 良洞密 召村道晉 屬平居文和富

增補文獻備考
卷一百二十六

多永昌

並同州

東溪官栗

並酒川

松道丘墟背屯

並同城

烏壤

巨濟

常令

鎮海

指南

宜寧

完沙良浦

並昆陽

德新

南海

幽谷道

開慶

屬聊城

同縣

德通

咸昌

大隱知保

并龍宮

守山

醴泉

安溪雙溪

並比安

召溪

軍威

洛原洛東洛陽洛西長林洛平

並商州

迎

香仇味安谷上林

並善山

沙斤道

咸陽

屬蹄閑

同府

臨水

安義

正谷

山清

新安碧

溪

並丹城

召南安間正守

並晉州

有麟

三嘉

新興

宜寧

粟元馬田橫浦平沙

並河東

金泉道

金山

屬秋風文山

並同郡

楊川扶桑

並開寧

楊原東安

並仁同

高平

漆谷

踏

溪安彥茂溪

並星州

安林

高靈

八鎮

草溪

金陽作乃長谷

並知禮

勸賓

陝川

省草聖

基茂村

並居昌

共三等馬

九百

吏卒

二萬一千四百

江原道銀溪道

金化

屬新安

淮陽

昌道直木

並金城

生昌

金化

豐田

鐵原

瑞雲

金城

山

陽原川芳川

並狼川

含春水仁

並楊口

長奴富林嵐校

並麟蹄

林丹玉洞

並平康

乾川伊鐵龍潭原保安道原州屬丹丘由原安昌神林神興並同州葛豐蒼

峰烏原安興並橫城蓮峰泉甘並洪川原昌安保仁嵐安保富昌並春川楊淵

延平並寧越藥水平安並平昌碧吞好善餘浪並旌善臨溪高丹橫溪珍富大

和芳林雲交並江陵祥雲道並襄陽屬連倉麟丘降仙並同府元巖清澗竹泡雲

根明波並杆城大康高岑養珍並高城朝珍登路巨豐並通川貞德並歙谷平陵道

三陟屬交柯史直平陵新興龍化原沃並同府興富水山德新並蔚珍達孝並平海

洛豐安仁大昌木界丘山冬德並江陵共三等馬並五百三吏卒並九千三十四

黃海道金郊道並金川屬興儀並同郡金巖寶山安城並平山龍泉並瑞興鈎水洞仙並鳳

山敬天並廣州麒麟道並平山屬位羅並遼安所串並山谷所坪並新溪茶滿並戰寧元山並信川延陽

文直木並安岳朴山並長連文羅並般栗安山並豐川青丹道並海州屬維安並松禾新行金洞並長淵

增補文獻備考
卷一百二十六

文羅津 藝金剛望汀並 海深洞延 安金谷白 川南山金 川共三等馬二百一十二吏卒

五千三百十六

平安道大同道平 壤屬安定順 安肅寧肅 川生陽中 和林畔宣 川安興安 州嘉平嘉 山新

安定 州雲興郭 山車輦鐵 山良策龍 川所串義順並 義 州魚川道寧 邊屬開平隨營並 同

府所古里价 川草川陽 德入館長洞狄踰並 熙 川立石城干從浦並 江 界上下北

洞渭 原央土里古理山牛場並 楚 山古延州雲 山入館碧 漳昌州昌 城大朔州朔 州龜

州龜 城共三等馬三百一吏卒四千三百五十一

咸鏡道高山道安 邊屬南山奉龍朔安火燈並 同 府鐵關德 源良驥文 川通達隘

守並 高 原和原永 興草原蓬臺並 定 平平原德山並 咸 興居山道北 奇屬咸原新恩

平浦五川繼航濟人黃水並 同 府終浦熊耳呼麟虛川虎麟惠山並 甲 山積

生三施利谷口並利基原端雄坪臨渾並吉邑明古站並明輸城道鏡

屬吾村永康朱村並同懷綏石堡並富邑站麻田豐山並茂寧安古豐

山櫟山並會鍾慶撫安鹿野並鐘撫寧德明並穩馬乳燕基古阿山並慶

源江陽雄撫並慶共三等馬九百二十五吏卒三萬二千三百九十一

金堉曰西路使臣既許其乘轎則兩馬不足以相替必用四馬四馬又不足必用六馬輜重帳幕又不下七八匹一人之行而馬過十餘匹從者又數十人其糧料供億之費又如何哉臣竊以爲奉使之臣王子大臣外皆令乘有屋安車則平坦之路匹馬單驢亦能輓之露宿之處不用帳幕宿於車中亦甚便好且備一二空馬嶺路險處則可舍車而騎也夫驛馬者所以傳命於國中也今三

南驛馬皆用於北京之行則驛馬將盡斃而命令不得傳矣若用

乘車之制則驛馬不必用尋常健步之馬亦皆可用

附撥站

本朝 宣祖三十年承旨韓浚謙請依明朝例設擺撥以傳邊書騎撥

每二十五里置一站 每站撥將一人 步撥每三十里置一站 每站撥將一人

丁

西撥 驛 自京畿京營站 慕華館 由黃海道舊官門站 金川 至于平安道所

串站 義州 共為三十八站 京畿七站 黃海道十站 間路 步 黃海道五站 自平

山至 平安道四十三站 自博川至江邊諸邑

北撥 步 自京畿豆險川站 楊州 由江原道豐田站 鐵原 至于咸鏡道阿吾

地站

慶興

共爲六十四站

京畿三站江原道六站咸鏡道五十五站

間路咸鏡道十站

自北青至

三

南撥

步

自京畿新川站

廣州

由忠清道林鳥站

忠州

至于慶尙道草梁站

東萊

共爲三十四站

京畿九站忠清道五站慶尙道二十站

如值勅行及時急舉行之時則以各站元撥軍五名無以責應加

立撥軍二名式舉行

續今

上二十四年命撥路馬匹間年劃送

議政府啓卽見京畿監司金明鎮開城留守金善根所報則撥路凋

殘邊報稽滯馬匹責立他無矯揉之道就濟州貢馬中京畿七站限

三十五匹開城兩站限十匹劃給爲辭矣挽近撥站凋弊到極而畿

地補文獻備考
卷一百一十六

內尤甚緊急依所報貢馬中間年劃送事請著爲式允之

續三十二年廢各驛撥站設郵遞司屬農商工部

漢城置總司仁川忠州洪州公州南原羅州濟州晉州東萊大邱安

東江陵春川開城海州平壤義州江界咸興甲山鏡城元山水原光

州全州金城定州寧邊尙州

每日發送直路漢城開城間高陽坡漢城春川間加平漢城水原間果川

水原公州間振威公州水原間天安穩山公州全州間魯城恩津洪州公州間

大興全州公州間彌山南原公州間淳昌南原晉州間雲峰晉州南原間丹城

山清咸陽光州南原間潭陽尙州忠州間咸昌開慶大邱釜山間清道釜山大邱

間密陽開城漢城間長湍海州開城間延安開城平壤間金川平山瑞興鳳山黃州平

壤寧邊間

順安 肅川

平壤開城間

中和

定州義州間

郭山 宣川

定州寧邊間

嘉山

寧邊江界間

熙川

義州定州間

龍川 鐵山

春川金城間

狼川

春川江陵間

洪川

橫城 原州

金城漢城間

金化

金城元山間

淮陽

元山咸興間

文川

咸興元山

間

定平 永興

咸興鏡城間

北青 利川 原端

鏡城咸興間

明川 吉州

間二日發送一路

始興安山南陽全義木川禮山溫陽牙山平澤新昌金溝泰仁井邑古阜扶安泗川固城鎮海巨濟南平羅州務安咸平任寶長水

智島靈光茂長興德高敞長城延豐清風丹陽永春清州清安龍宮安東禮安奉化榮川順興豐基醴泉慶山慈仁慶州長鬐延日

永川河陽機張蔚山彥陽梁山豐德白川兔山新溪谷山遂安祥原三登陽德成川江東龜城雲山渭原楚山朔州昌城碧潼楊口

麟蹄三陟蔚珍平海平康伊川安峽鐵原安邊二路陽川富平金三水甲山富寧會寧茂山慶源穩城鍾城長津浦通津江華

喬桐龍仁陽智利川驪州陰竹竹山安城陽城定山扶餘林川石城德山汚川唐津瑞山泰安海美高山珍山錦山茂朱龍潭鎮安

求禮昆陽河東南海昌平玉果谷城陰城鎮川懷仁沃川永同黃硯青山善山開寧金山知禮玄風高靈星州金海熊川昌原積城

地
利
不
虞
侵
犯
卷
一
百
一
十
六

麻田連川湖寧安岳長連文化信川載寧慈山殷山三路
岐文義

懷德鎮岑連山青陽鴻山韓山舒川庇仁藍浦保寧結城金堤萬

興陽樂安順天麗水突山光陽同福槐山報恩仁同比安軍威義

襄陽杆城高四路楊州抱川永平和順長興康津莞島海南珍島
城通川歛谷靈巖新寧青松真寶英陽寧海盈德清河興海

五路
廣州楊根砥平

續附電報

臣謹按電報電話及鐵道之屬古所未有而近來稍倣泰西之

制設施殆備亦有國之大政也第其爲用要在道路通信而已

今姑輟其大略附於驛遞之下

今上三十三年增設國內電報以便通信

先是乙酉始設電報總局以通外國之信至是擴張其制○電報分以三種一曰官報國務大臣內外各官廳長官本國駐紮之外國公領事所通公信之稱二曰局報電報事務所關互相通信之稱三曰私報官民間私相通信之稱又分九類一曰要急電報比通常電報迅速二曰照校電報寄信人必欲預防原信之錯誤由寄收兩司使之校正原信三曰通常電報謂平常之用四曰追尾電報寄信人不明受信人之住址則填寫受信人之可宜住址處使之追傳五曰同文電報寄信人以一信分送於幾人之稱但不過四處六曰受信電報寄信人欲知受信人何時接原信則自受信司報明受信人之接到時列於寄信司之稱七曰返信費預納電報寄信人要其立竣回

報預納返信費之稱八曰郵遞電報自受信司以郵遞傳送之稱九
曰別送電報自受信司十里區域外則別定專人送達之稱也○漢
城置總司仁川元山釜山三和務安全州平壤義州沃溝昌原城津
鏡城慶興會寧公州大邱開城海州金城雲山安州咸興殷山忠州
洪州南原羅州濟州晉州固城安東江陵春川江界甲山博川原州
北青寧邊等都置支司

臣謹按西曆一千七百十四年肅宗四十年佛蘭西人謝施始製電

力器機爾後電氣學漸開其器具雖或改正猶不知實用之妙

矣至一千八百三十一年純祖三十一年北阿美利加洲合衆國磨沙

朱細周州人毛菸壽研究五年發明玄妙一千八百四十四年

憲宗十年 自合衆國京城華盛敦至發太毛府間架數十里電線以

通信息此世界中陸地電線第一着也一千八百五十一年

哲宗

二年 英吉利佛蘭西兩國界海水中沈架電線此世界中海底電

線第一着也蓋其鐵線接通每三四十間立十尺許木柱架線於其上水底沈架則緊覆線之外面以防水浸夫電信者通電氣于鐵線以傳遠方書信神奇精巧難以辨論而若其作用大畧則合硫酸水炭素亞鉛三物能生電氣故三物入于玻璃器中作電氣本源而其所生電氣通于銅線連及傳信機彼此兩地俱設入傳信機其間以銅鐵線相接其線亦與傳信機相連差離于電氣線機面有鐵簍壓之則兩線相連電氣流通不壓

增補文獻備考 卷一百二十一
則離斷此地傳信機電氣流通之時彼地傳信機紙筆諸具自
動其離斷之時其紙筆諸具亦不動一通一斷之理在人指端
雖千萬里之遠達于一瞬之暇矣

續附電話

今 上光武六年設電話

自漢城至開城間開城至平壤間自水原至漢城間

臣謹按電話機雖未知何時始行何人始製然蓋出於泰西理

學家而藉電氣流通之力以通遠方言語故亦謂之遠語機電

氣因鐵線而通遇炭精則不通通傳人之聲音者鐵線也操縱

聲音句節者炭精也其器具形狀外面如一小几細鐵線屈曲

藏置于其中以接通語鐵線上而略離傳語鐵線出几外而附一筒於其端名曰傳語筒又有一個招人鍾附之几傍其撞鈴與傳語鐵線相連送語之前以電氣先撞其鍾以招其人向筒而發音則穿過空氣推壓炭精炭精推壓屈曲鐵線炭精鐵線離接之度隨聲音之高低長短此地聲音分明于彼地人耳中問答不錯

續附鐵道

今上三十三年設國內鐵道以便人民往來物品通行

自漢城至仁川間漢城至釜山間漢城至義州間

臣謹按西曆一百六十餘年前日耳曼人禮邀發始起蒸氣妙

論其後英吉利人瓦妬大成蒸氣機關自是英吉利及合衆國
碩人鴻儒探究工力廣大其用日用百千事物不遑枚舉者無
不由蒸氣而成焉蒸氣者湯氣也亦曰瀋也鍋釜之水爇以沸
湯吹上其蓋此蒸氣之理也膨漲蒸氣納于鐵筒藉其發力動
機關而行之者謂之蒸氣車亦曰火輪車西曆一千七百八十

四年

正祖八年

學者吻德始作車制其形輕小只供玩具而已鐵道

之設猶且寂寞一千八百二十五年英吉利人壽大渾始架數
十里鐵路運用瀋車此是世界上第一着鐵路蒸氣車也於是
歐美諸國採用其法載旅客運物貨縱橫四方有無交易商業
一新車行之地堅築道路剗平邱陵橫設七寸之木兩條鐵線

左右架布山岳之大者爆藥以穴之江河之深者鐵橋而架之
雖千萬里之遠不有屈曲其直如矢髣髴乎一道長虹橫亘于
天至於大都市人家稠密之中不可架設故英京圖整府隧道
於地中鐵路鋪置四通五達合衆國紐約府豎三四丈鐵柱於
大道中架鐵路於其上此皆曠古之極巧絕世之奇觀也若夫
輪車之製尺寸長短極其精美而前車一輛裝置蒸氣機關後
車四五十輛鐵鉤以引之疾馳軌道行走迅速過於汽船一時
之頃能至三百餘里軌鐵撲地群輪環轉相薄以爲聲及其止
也鐵筒噴烟煤氣漲天以報停行之期大略蓋如此而不能殫
述焉

增補文獻備考

卷一百二十六

增補文獻備考卷之一百二十六

增補文獻備考卷之一百二十七

弘文館 纂輯 校正

刑考一

刑者有國之所不能無者特其用有輕重而治亂係焉稽之史
牒可按而覆我東自檀箕人文肇闢而遺教寢遠羅麗以來法
度無常有不足徵逮至我朝 聖作神承制度纖悉金科玉條
粲然大備今我 殿下祖述憲章克欽克恤除壓烙之刑減全
徒之律祛刺面之制禁非法之杖德意藹然浹于民心猗歟盛
矣作刑考第六凡七卷續今第七凡十四卷

刑制一

箕子東來

封箕子於朝鮮在周武王元年己卯

施八條之教相殺者以死償相傷者以穀

償相盜者沒爲其家奴婢此八條中之三也

臣謹按八條之見於漢書者只此三條而已其餘五條有不可

考或云並五倫爲八條恐未然

新羅婆娑王元年令罪囚殊死以下入贖各有差

味鄒王五年有姑鞭婦致死者令曰尊毆卑非鬪也減死論

法興王

證王今釐改

七年頒示律令

眞德主五年置左理方府掌律令後改議方府

文武王七年始置右理方府掌刑律

九年令曰百姓貧寒取他穀米者在不熟之地者子母俱不須還若在

熟處者至今年收熟只還其本其子不須還

景德王十七年置律令博士二員

元聖王五年令曰內外群聚強盜捕捉並加職

眞聖主二年倭倖肆志賞罰不公貨賂公行紀綱壞弛時有無名子譏
謗時政主命人搜索不能得或告主曰此必文人不得志者所爲主命
拘巨仁京獄將刑之巨仁憤書獄壁曰于公慟哭三年旱鄒衍含悲五
月霜今我幽愁還似古皇天無語但蒼蒼其夕忽雷雨且雹主懼放巨
仁

高勾麗大武神王十一年令曰其十惡中准律用刑者外犯別罪合被
重杖者並徵贖

小獸林王二年以暑氣太盛念縲繫之苦令詳決無得淹滯

補三年始頒律令

補北史曰高勾麗無牢獄有罪諸加評議重者便殺之沒入妻子爲奴婢

百濟古爾王二十七年置朝廷佐平掌刑獄事

二十九年下令凡官人受財及盜者三倍徵贓禁錮終身

補北史曰百濟刑罰反叛退軍及殺人者斬盜者流其贓兩倍徵之婦犯姦沒入夫家爲婢

補三國志曰夫餘殺人者死沒其家人爲奴婢

補又曰濊殺人者償死

高麗太祖元年置義刑臺以韓粲爲令掌刑獄述訓要八篇一曰明法制省刑罰

補宋史曰高麗人刑無慘酷之科惟惡逆及罵父母者斬餘皆杖肋

光宗六年

補原本作九年今釐改

命有司按驗奴婢推辨是非奴背主者並還賤

補景宗元年禁擅殺復讎初王許先朝被讒人子孫復讎遂相擅殺復致冤號及是執政王誵托以復讎矯殺太祖子天安府院君於是放誵于外仍有是令

成宗六年教曰放良奴婢年代漸遠則必輕侮本主今或代本主水路赴戰或廬墓三年者其主告于攸司考閱其功年過四十者方許免賤若有罵本主又與本主親族相抗者還賤役使

七年判諸道轉運使及外官凡百姓告訴不肯聽理者皆令就決於京官自今越告人及州縣長吏不處決者科罪

顯宗二年刑部奏劉彥卿世受國恩不思報效率先降敵請流配妻子從之

七年判官吏監臨自盜者勿計贓物多少並除名流本貫

九年侍中劉璿等

補原本作王之教而今從麗史釐改

奏曰民庶疫癘陰陽愆伏皆刑政

不時所致也月令三月節省囹圄去桎梏無肆掠止獄四月中氣挺重囚出輕繫七月中氣繕囹圄具桎梏斷薄刑決小罪獄官令從立春至秋分不得奏決死刑若犯惡逆不拘此令然恐法吏未盡詳審今後內外所司皆依月令施行從之

德宗三年敕曰其毆家主及謀殺人強盜者杖流無人島縱犯強盜傷人持杖以下罪竄有人島

靖宗四年女眞仇屯高刀化與其都領將軍開老爭財毆殺之下輔臣議侍中徐訥等曰女眞雖是異類旣歸化名係版籍今因爭財毆殺其長罪不可原請論如法黃周亮等曰此輩雖歸化然人面獸心不識事理不慣風教且律文諸化外人同類自相犯者各依本俗法治之今輸開老家財物以贖其罪更何論斷王從之

文宗元年更校律令王以律令刑罰之斷例明則刑無枉濫不明則罪失輕重今所行律令多舛訛令侍中崔冲集諸律官重加詳校

李子淵

補原本作李
子詳今釐改

疏曰天地災祥每於刑政得失相應刑固不可

不慎矣伏聞外邑守令務要辨理而日凌月替稽留未決者多若令
憲司糾覈不法之吏而黜陟之則庶冤抑可銷而休祥可致也

補長淵縣民弑父母罪人文漢棄市刑部奏縣令崔德元尉崔崇望
等不能善政致有不祥之變宜罷其職從之

三年

補原本作德宗四年今釐改

判公私奴婢三度逃亡者鋸面還主

十五年制曰刑政王化所先峻則民殘寬則民慢刑得其中則陰陽和
而風雨順法失其宜怨氣積而災眚作虐臣酷吏世常有之朕適追訓
誥篤慎典刑刑部員吏精擇委任自今定制必備三員訊鞫囚徒

肅宗元年制曰京房易傳曰誅罰絕理厥災隕霜又云上偏聽下情壅
塞今時令舛違水結爲霜朕甚懼之囚係之中必有冤氣塞于天地和

氣變爲災沴疑獄未定者速令決正訴告非實者悉令反坐以答天戒
睿宗十四年制曰官吏因緣公法苛刻作弊或以腐朽之穀強給取息
或徵荒田之租或興不急之役者令中外攸司一切嚴法繩之

仁宗元年清州有人因救父殺人判云事理可恕除入島只移鄉

七年忠州人劉挺弑其父中書省奏請降州爲郡王問左右對曰禮云
邾婁定公時有弑其父者殺其人毀其室滂其宅而止耳降州爲郡非
古法也

十四年詔減殺牛之罪曰孔子廐焚不問馬此聖人貴人賤畜之義也
今法官論殺牛准殺人之罪斂面配島非律文本意自今以本罪罪之
明宗十五年有南原郡人與郡吏有隙至其家縛吏于柱遂火其家而

燒殺之群臣議以鬪殺論判曰原其罪狀宜鉞面充常戶又有陵城人以鞭擊負兒女女驚怖投水死群臣以鬪殺論判曰使母子併命於一時可矜其以刼殺論

元宗十四年以天變放囚承宣洪子藩奏曰釋輕囚可也如奴逆主子不孝者得免則奈天意何此非修德也乃招灾也

忠烈王二十一年監察御史許有全被讒囚巡馬所將撻于市無敢救者指諭高宗秀奏曰監察爲王耳目糾彈百官今以小事撻于市人以上爲何如主再三譬解遂得免

二十四年時閹人黃石良用事陞其鄉舍德部曲爲縣左司諫秋適不肯署其案石良等乘間讒適王怒親枷適囚于巡馬所押者謂適曰

可由徑行適不肯曰凡有罪者皆歸于有司未有枷鎖于王所者吾當行官道使國人見王之枷諫官榮亦足矣何必效婦兒掩面委巷乎

二十六年後元欲革奴婢之法王上表曰我始祖垂法後嗣凡此賤類其種有別若許從良必通仕路由是小邦之法八世戶籍不干賤類然後乃得筮仕凡爲賤類永勿許爲良俾從國俗焉

忠宣王二年教曰權勢之家奸猾之類造作文契奪人奴婢田丁其主告官官司畏勢因循不決使告者積怨宜令官司速決無滯詐僞者罪之巡軍府爲捕盜而設民間毆鬪宰殺牛馬等事皆可理之其餘土田奴婢事並勿理

忠肅王五年置辨僞都監大索豪勢所占田民還其主罷主郡事審官

事審官之設本爲平均賦役清理獄訟而今反廣占公田多行不法故罷之

補十一年散員張世奪少尹林俊卿馬司憲府究治之世乃到持平金開物第拔劍自刺大叫憲司下世獄遂詣闕請罪世妹夫王三錫從中沮不達以杖擊開物又擅釋世開物與掌令金元軾持平金永煦等復詣闕請世罪王怒毆啓事者憲司閉門不視事王遣近臣諭之曰待葬上王治三錫等罪卿宜視事

補忠穆王十二年流金鏞于密城又竄其黨高權華之元等于外自是月初日月無光無雲而陰及鏞之去天氣清明

補崔瑩姪女婚判事安德麟擅殺人楊廣道按廉使楊以時械送憲

司時瑩判巡衛府事都堂以瑩故欲輕德麟罪移繫于巡衛府瑩怒曰德麟擅殺無罪人憲司可斷決況我在巡衛豈宜推鞠遂還憲司

補河允源爲大司憲書知非誤斷皇天降罰八字於柱每赴臺必

掛後視事

本朝許稠亦書此八字於壁朝夕觀省

補辛禡元年以同知密直金義殺天使蔡斌亡走北元下其母妻于巡軍獄將殺之憲府言義雖叛逆婦女何知請勿殺乃沒爲官婢

補五年前贊成事洪仲宣坐楊伯淵獄死于流所臨死仰天誓曰予審無罪若有罪伏刑天不變色若無罪枉死天必動威及死天果大雷電以風邑人異之

補十年命贊成事沈德符檢點進獻物于平壤府禁私挾金銀者押物

魏堅犯令斬以徇

鄭麟趾曰高麗刑法悉採唐律叅酌時宜而用之曰獄官令曰名
例曰衛禁曰職制曰戶婚曰廩庫曰擅興曰盜賊曰鬪訟曰詐僞
曰雜律曰捕亡曰斷獄其中條目摠七十一刪煩取簡不爲無據
然及其季世禁網不張其弊劇矣於是雜用元議刑易覽大明律
兼採至正條格言行事宜以行此雖切於救時之弊其於大綱之
已墮何哉

補洪汝河所纂刑法志曰高麗刑法所遵用者李唐焉唐之刑書有
四曰律令格式令者尊卑貴賤之等數國家之制度也格者百官有
司所常行之事也式者其所常守之法也凡邦國之政必從事於三

者其有所違及入于罪戾者一斷以律

本朝 太祖四年命鄭道傳撰經濟六典使河崙詳定

補詳見刑書

五年立保舉法令大小臣僚之子弟姪孫具名保舉置舍人所分科肄業其律學曰欽恤之堂

六年命無符而召兵者以擅發論先是義興三軍府請依漢高祖之制

行符信之法故有是命

補詳見兵考

設奴婢辨正都監

命都堂勘僧徒營產時僧徒營產稱以法孫相傳訟爭紛然 上自潛

邸思革其弊於是令有司勘究以聞

太宗二年設申聞鼓使京外有冤者來訴以通下情焉

補英祖朝事見恤刑續編

增補文獻備考 卷一百二十一
始行號牌法違者抵罪以民不願遂罷之

三年 上謂左右曰臺諫請人之罪必有罷職流配等語只請依律施行不亦可乎其召臺諫諭之又謂宰執曰刑官議人之罪若功臣顯官及其子孫雖犯重罪例從輕典無勢之人乃一一坐以所犯是豈合於天心乎

五年元尹李伯溫殺婢夫 上赦其罪大司憲李來等請曰古者天子之父殺人司寇執法而論天子不得而私焉願置於法 上曰可黜諸

道外來伏閣固請 上令宗簿寺同巡禁司杖流咸州憲府縛送 上命縛持平李洽下巡禁司獄來曰伯溫之兄在前朝殺人伯溫今又殺人是伯溫兄弟實污 殿下好生之德也所以縛送者慮其逃也 上

曰何待宗親如是也來曰臣等非所以辱宗親乃輔 殿下之德也諫官趙叙等請曰李治執法不變請釋其罪以慰人望 上遂釋之命來等就職

太宗駙馬權趾子聰幼時 上愛之常置膝上侍臣有長髯者聰拔刀剔棄之群臣請其罪 上曰朝廷之禮不可不嚴聰罪當誅然幼穉無識可貸其生群臣頓首謝 上命幽聰于崇禮門外歲餘 上引接群臣 教曰予有孫聰病中甚念之畏朝廷不敢見群臣頓首請赦從之
補九年命誅大司憲孟思誠持平朴安信于市既而釋之時趙大臨有犯禁思誠等不啓而拷訊之 上命載二人于車將戮之因成石璘言特宥之

增補文獻備考 卷一百一十一
載車時思誠恐懼安信神色自若顧謂思誠曰嘗謂汝有志氣今何如是戰慄耶命取瓦片以磁尖畫而書之曰爾職不稱甘受死恐君留殺諫臣名瞋目語羅卒曰以此呈于廟堂否者吾爲厲鬼必殺汝羅卒卽呈于廟堂石璘持此伸救獲免

補十一年議政府以掌令李倣誤劾知議政朴經請下攸司治罪 上從之下倣巡禁司獄旣而謂金汝知曰李倣之事未有不是大臣予所敬重不得已從之耳前此未嘗以大臣之言而繫諫臣者予今老矣不宜以此示後嗣也遂宥之

補世宗戊戌領議政沈溫辭連姜尙仁獄賜死妻子沒入于奴錦川君朴嘗曰中宮之母爲賤人於恩於義並爲未安 上王曰大臣之言如

此其削賤籍

二年定訊杖一次三十以爲式朴豈判義勇禁司事見訊杖無定數啓
箠楚之下何求不得乃請定式

沈道源請置任孟孫於法孟孫君禮子也 上曰爾言非也君臣之義

雖重父子之恩亦大安可以君臣之義廢父子之恩乎孟孫牽父之衣
止其亂言則是乃君禮之孝子也豈可以與聞加罪乎道源出 上曰

道源法吏也徒知孟孫之爲有罪而不念愛父之孝心可謂知法乎

補原

本作五年
今釐改

五年義禁府都提調柳廷顯啓憲府非承王命而本府鎮撫都事等輒
以所由呼來入庭持平以下皆坐交椅聽言取辭有違王旨況詔獄官

吏憲府擅自招去實爲未安 上曰憲府誤矣召掌務掌令皇甫仁問之對曰三品則於楹外四品以下則庭下問事本府前例也 上曰如有罪則具辭以聞取旨可也非奉王旨而四品朝士跪於廳前皆踞坐問事汝等非矣自今以後無或如此

諭代言韓尙德曰刑房之任至重卿其慎之對曰 殿下代天理物賞罰宜無一毫差謬臣亦夙夜敬謹惟恐一夫無辜獲罪以累 殿下好生之德 上曰予若誤斷卿其直言勿諱

補寶鑑以此條係太宗十三年傳教

六年江陰縣民曹元訟田于官憤縣官滯訟曰今 上不擇守令如此義禁府三省雜治請罪 上命勿問政府六曹又請置法 上曰比來水旱相仍民甚艱苦元之縣守不念此苦對賓飲酒滯訟不決元之言

但疾此耳竟不允

八年始用六典續集

復行號牌法規避者邊遠充軍從下季良言也

九年讓寧大君妾件里着紫的衣見捉於憲府禁吏件里蚤緣大司憲
吳陞妓妾請釋陞語禁吏使勿告執義以下問備於陞請罪 上命罷
陞職

十年有擊光化門鍾訴冤者問其故答曰掌申聞鼓者禁之故擊 上
曰設申聞鼓欲達下情故也若所伸不實則罪在其人豈關司鼓之吏
如此負屈不伸者必多乃命罷掌鼓者職

十二年 教曰人君代天理物當順天道故古者賞以春夏刑以秋冬

古人亦云季秋後請死罪今於秋分前奏覆侍時乃刑者誠恐留滯犴獄也然初覆既奏便是獄成有違古法自今凡干死罪待秋乃啓

教曰囹圄之繫捶楚之嚴人所共苦其中尤有可矜自今十五歲以下七十以上除殺人強盜外不許禁身八十以上十歲以下雖犯死罪亦勿禁身拷訊舉衆證定罪

十八年命六曹稟政于政府 教曰論決死囚則政府與聞其餘刑決令刑曹直啓施行

補二十七年時撰龍飛御天歌以安城君李叔蕃詳知 先朝故事自謫所召還及撰訖將還配所叔蕃以金帶賂承旨金墩請留墩以業蒙召還請留之 上曰叔蕃得罪 先朝予不得擅召用也遂命還配所

補世祖四年命奴訴主事關綱常者令法府鞠之以爲法

五年申漏籍法現發者全家徙邊

六年 教曰 祖先以來憲章雖具科條滋多有司或眩於遵守且時異世殊有不得不變而通之於是叅酌商確務從簡切定著經國大典爲後世持守之規刑大典始成京七月十五日京畿二十三日忠清黃海江原道二十八日全羅慶尙平安道八月十三日行之

補七年 教曰勸善懲惡國之大機一有不正本末倒置今有司一切拘於舊弊雖灼知其情務欲苟合傳旨抑勒取招歸怨於上而解說於下甚無謂也此弊憲府尤甚凡推劾之事以苛刻爲賢曰本府之法固然然則不如無憲府也自今因循不革者予必痛懲其諭中外

增補文獻備考

卷一百一十一

十二年

補原本作十三年

改刑曹都官爲掌隸院始用印

補詳見職官考

補申叔舟策曰大臣有罪而不追身者懲高麗卑辱大臣之弊也高麗之於大臣鞭笞不饒斧鑕相尋是豈尊禮敬重之義乎此辱大臣之弊所以不可不革也而刑讞難明奸僞日滋乃以衆證定其罪必將曖昧冤枉者多矣此所以有無罪被誣之歎也

補十三年 教司憲府曰奔競之禁本爲昏夜乞哀者設也邇來科禁太嚴朋友親戚隣里慶吊迎餞之禮在人情不可無者而一切禁之是絕人之道也今後宰相家蹤跡詭秘者外勿禁可也

成宗朝更定制吏兵曹堂上吏兵房

承旨臺省總府衛將判決事外並勿禁

上行幸溫泉時賜羅季文妻尹氏米十斛鴻山人羅季文妻哭於行宮

外 上聞之使問其情冤對曰仁山君洪允成婢夫籍允成勢力遇妾夫於路責以無禮使驛吏毆殺之本邑倅崔倫怯於權勢只囚驛吏餘悉不問允成兩奴又奪驛吏以去監司金之慶又托赦令一皆放還反以妾父尹耆謀害允成捕繫于獄妾不勝冤痛 上召尹氏親問爲之惻然卽拿致之慶倫詰之皆辭窮不能對並允成鞫之允成婢夫與兩奴並置極刑仍 教曰尹氏不畏威勢能復夫讎節義可尙給米十斛

補 原本作十四年今釐改

補 睿宗卽位初 上保母作樂禱神於本宮 上命攸司嚴勸仍禁國恤內民間作樂禱神之弊

元年 教曰聞僧徒頗擾民間有犯法者痛治勿恕無度牒者並令充

增補文獻備考 卷一百二十一
軍如有冤枉者毋徒徇法隨意區處

富商大賈代納貢賦之物收直於民甚苦之 上命有司將罪之其賈資緣保母乞免 上曰王者無私敢以保母觭邦憲遂杖流之

補成宗二年命匿名書雖關國家重事並勿問違者抵法

補四年刑曹奏圜圖空賞堂郎有差

補六年 敕曰守令民之儀刑也近聞監司節度使據三品以下直斷之法或以微眚至加笞杖此非待士大夫者自今定制守令雖有罪監司隨事以聞毋得擅杖節度使則非事係軍務毋敢擅斷

八年持平金彥辛論玄錫圭爲小人比之盧杞王安石 上怒命鞠彥辛於闕庭責之曰欺罔罪當死爾今猶以錫圭爲小人耶當初所犯誤

耶彥辛曰臣非誤執錫圭眞小人也 上曰爾謂錫圭爲盧杞王安石其比我於德宗神宗歟彥辛曰德宗用一盧杞神宗用一王安石錫圭兼二人之陰險姦邪而 殿下用之臣以爲過也 上卽霽怒慰諭之曰得無驚乎殺諫臣者惟桀紂也繫爾于獄者以爾固執耳予豈殺諫臣哉終不效唐太宗聽諫寢不如初也爾遇可言之事其極言之爾之慷慨終不屈予甚嘉之徃就爾職命賜酒

九年命召尹邁問曰訟田自有該司爾何誘爾母干請中宮耶邁曰此臣所不知 上曰後若如此爾雖不知予當罪爾中宮國母不可干以私邁卽中宮之兄也

補十二年命朝官犯罪囚典獄者移義禁府以爲定式

二十二年命今後兄弟叔姪起爲爭端詐僞著現者並令徙邊補教曰
昔王商爲侯推財與弟薛包分財以惡物自與習俗澆薄一奴一田交
爭于官遂成讎仇殘傷骨肉今西北兩道人烟尠少無罪之民尙徙以
實之姦細之徒其何恤乎今後兄弟叔姪起爲爭端者全家徙邊以厚
風俗以實邊塞

二十四年頒前續錄

補詳見
刑書

罷度僧法

申澣以吏曹叅判錄佐理勲應受功臣奴婢准數已出聞高靈縣有寺
奴父子富冠一道欲爲圖出計無奈何遂僞造御寶發文督現事覺下
獄上每念叔舟之勲勞欲貫其死嘗於幸行之際駐輦禁府前路命

召申漈於駕前諄諄下教曰汝以大勲臣之子今抵死罪予甚惻然汝若吐實悔過則今卽放汝以酬汝父之勲勞漈辭色憤慢一向牢諱上曰執迷之人也命還下獄令禁府讞議判府事姜希孟等啓漈身爲宰相僞造御寶在法當死從之

補燕山時成希顏爲刑曹叅判時館儒士見辱於賤隸聯名請誅而其隸乃領相愼承善之奴子而左相李克均之婢婿也刑判韓致亨稱疾不出克均之兄克墩再造希顏之第而稱疾不見兩相方怒一日赴朝堂兩相語侵希顏希顏卽於會中出白曰衆儒士見毆於一賤奴罪當誅也此乃國法不當貸豈敢爲相公饒改乎不然則當啓知自退也兩相愧而遜謝希顏退而杖殺之

增補文獻備考 卷一百一十一
中宗四年命立民訴官長之禁 上御朝講領事朴元宗奏曰守令
有不法則彈駁觀察使貶黜不必令民告訴也此若不禁則守令
無所措手足矣 上從之有是命

補有盜御輦金鉤者律當死承旨言 成宗朝盜德應房鐙子者免死
上曰人命至重如可傳生莫如生之命議于三公柳洵以爲律文盜內
府財物斬云者非以財爲重也盜入內府其情可惡故勿論贓之多少
並處以死今所盜之金在勤政門外不可與內府者同科當減死 上
從之

補十四年 上問刑曹判書金淨曰罪囚多死云予甚惻然何故至是
也淨對曰囹圄逼窄氣鬱不通而然也或言宜增設而廣之然臣爲司

寇不能致刑措乃請增囹圄何以免四方之譏乎 上命增修之

補二十一年命至親相訟者並勿聽理

三十八年頒後續錄

補 詳見
刑書

補仁宗元年全羅右水使梁允義坐事將拿推叅贊權撥詣闕啓曰邊境不可須臾空鎮請出他將交代後拿推從之

明宗二十一年命拿開城府儒生旣而釋之開城俗好神作祠松岳名大王祠一府奔蕩糜費不貲儒生輩焚祠毀像 王大妃命中使往止之儒生等終不聽 上命禁府拿來欲治之而已 教曰士氣可嘉特赦之

宣祖元年 上卽位動遵法制乳母乘屋輜入謁 上責其僭乘乳母

步還其家

八年 上下憲吏于獄三司伏閣爭之初憲吏路遇宮奴僭服者執詣憲府宮奴毆憲吏跳入 王子寓舍憲府別定他吏捉其奴時貴人在王子寓舍啓以憲吏托禁亂作亂於寓舍 上問持平金鑽鑽對曰下吏不到 王子寓舍 上疑憲府私庇下吏下憲吏于獄憲府啓 殿下不信臣等移鞠下吏何以就職於是三司伏閣副提學李珥啓曰憲吏之事非臺官所目覩安知其不捉宮奴於 王子寓舍 殿下亦不目覩只聽婦寺之言視執法之臣豈可出於婦寺之下乎且宮家下人素稱縱恣不可不嚴加禁飭也 上嘉納之

十二年咸鏡南道節度使蘇滄以私怨殺北道官奴二人拿鞠禁府既

服議于大臣照濫刑之律臺諫以爲因公事殺其管下軍卒則可照以濫刑今則以私怨殺他道民當論以殺人 上命收廷議二品以上皆曰不可論以殺人兩司復爭之 上不允

李珣啓殺人者死在法罔赦瞽瞍殺人臯陶執之而帝舜之力不可沮止則蘇滄何人肆意殺人得免刑辟乎若舉八議之法則有司當照以大辟而或可以特恩貸死矣今乃照以濫刑之律則大紊國法矣可勝歎哉 上嘉之

二十五年命議弑夫罪人破瀦刑曹判書

補臣謹按李恒福壬辰五月陞拜刑判于平壤越二日移

拜大司憲是後更無拜刑判之事播越搶攘之中在職才一日決無暇及於議職名恐誤

李恒福議曰破家瀦澤

之法不見於刑書始行於邾婁定公之時亦非定公所自創爲蓋三代

之際相仍而行之者也觀定公之言只舉臣弑君子弑父者爲破瀦之事典不舉妻弑夫一節則意必有在而我國亂前亦因茲而只行於弑父之家不惟其時領府事臣尹承勳詳記而明言之臣亦能記之亂後柳永慶倡爲弑夫者亦當破瀦之議且行於弑夫之家臣意不然我國據而行之者只依定公之論而不見於他經則何可別出意見枝上生枝行所未行之法從之

三十九年文廟有壁書之變列書時宰宦官宮人姓名並及濁亂之事語極悖妄即行慰安祭于文廟三省推鞠館官高敬吾以下書吏典僕被訊者甚衆不得端緒儒生連逮者亦四五人 上以儒生不可刑訊並令放釋

補鄭澈伯姊爲 仁宗朝貴人澈幼時嘗出入東宮 明廟爲大君

時仍與遊處情好甚篤及澈爲臺諫宗室景陽君壽環以罪繫獄

明廟私教曰吾兄將死請小寬之澈竟不奉旨

光海四年

補原本作宣祖四十年今釐改

設號牌都監自大臣百官下至庶賤盡令

各佩失者收贖改出無者置極罪私做烙印者斬

補九年以戊午收議時立異者並絕島荐棘金德誠配南海鄭弘翼


配珍島已到配兩司又啓南海珍島密邇島夷疑交通請移配絕塞

德誠配穩城弘翼配鍾城翌年深河之役兩司又啓遷兩南德誠有

詩曰南遷北謫又南遷兩歲三呼漢水船津吏不知仍舊罪謂吾隨

處作新愆時謫居者皆以家屬同往德誠以爲遠配之人家累同居

乃全家徙邊之例固無嫌而至於圍籬事體與王獄同不可與家屬
混處其妻携家以從而使各居村舍凡七年而放





刑

兵

庫

文

五